

五代史記注

五代史記卷第三

廬陵歐陽脩撰

徐無黨原注

南昌彭元瑞注

劉鳳詒排次

梁本紀第三

末帝太祖第三子友貞也

原注末非諡號從其本語

為人美容貌沈

厚寡言雅好儒士

宣和書畫譜瑣無它伎喜弄翰墨多作行字批勅大者或近盈尺筆勢結

密有王氏義獻帖法流到今覽之便知非侍書者所能及也

太祖卽位封均王爲左

天興軍使東京馬步軍都指揮使

五代史末帝諱瑋初名友貞及卽位改名

鎰貞明中又改今諱太祖第四子也母曰元貞皇后張氏以唐文德元年戊申歲九月十二日生于東京帝美容儀性沉厚寡言雅好儒士唐光化三年授河南府參軍太祖受禪封均王時太祖初置天興軍最爲親衛以

帝爲左天興軍使開平四年夏進位檢校司空依前天興軍使充東京馬步軍都指揮使五代會要末帝諱瑱太祖第四子母曰元貞皇后張氏唐文德元年九月十二日生于汴州以其日爲明聖節梁開平元年封均王

乾化二年六月太祖遇弒友珪自立殺博王友文以弒

帝之罪歸之以王爲東京留守開封尹

五代史乾化二年六月二日庶

人友珪弒逆矯太祖詔遣供奉官丁昭溥馳至東京密令帝害博王友文友珪卽位以帝爲東京留守行開封府尹檢校司徒敬翔爲中書侍郎同中書門下平章事戶部尙

書李振爲崇政院使

五代會要乾化二年八月以門下侍郎平章事于莚兼延資庫使

又乾化二年十月加宰相俸至二百千命豐德庫逐月以見錢給之明年友珪改元曰鳳

厯二月駙馬都尉趙巖至東都王私與之謀遣馬漢交

之魏州見楊師厚計事師厚遣小校王舜賢至洛陽告
左龍虎統軍袁象先使討賊是時懷州龍驤屯兵叛方
捕索之王乃僞爲友珪詔書發左右龍驤在東都者皆
還洛陽因激怒之曰天子以懷州屯兵叛追汝等欲盡
坑之通鑑考異梁太祖實錄丙戌東京言龍驤軍準詔
追赴西京軍情不肯進發寔友珪徵之非友貞僞
作但激怒諸將皆泣莫知所爲王曰先皇帝經營王業
三十餘年今日尙爲友珪所殺汝等安所逃死乎因出
太祖畫像示諸將而泣曰汝能趨洛陽擒逆賊則轉禍
爲福矣軍士皆呼萬歲請王爲主王乃遣人趣象先等
庚寅象先等以禁兵討賊友珪死杜曉見殺象先遣趙

巖持傳國寶至東都請王入洛陽王報曰夷門太祖所

以興王業也北距并汾東至淮海國家藩鎮多在東方

命將出師利于便近是月皇帝卽位于東都原注卽位大事失其

日而書是月見亂之復稱乾化三年五代史友珪以篡逆居位羣情不附

甚于東都終上文也會趙巖至東京從帝私讌因言及社稷事帝以誠款謀

之巖曰此事亦如反掌成敗在招討楊令公之手但得

一言諭禁軍其事立辦巖時典禁軍泊還洛以謀告侍

衛親軍袁象先帝令腹心馬慎交之魏州見師厚且言

成事之日賜勞軍錢五十萬緡仍許兼鎮慎交燕人也

素有膽辨乃說師厚曰郢王殺君害父篡居大位宮中

荒淫靡所不至洛下人情已去東京物望所歸公若因

而成之則有輔立之功討賊之効師厚猶豫未決謂從

事曰吾于郢王君臣之分已定無故改圖人謂我何慎

交曰郢王以子弑父是曰元兇均王爲君爲親正名仗

義彼若一朝事成令公何情自處師厚驚曰幾誤計耳

乃令小校王舜賢至洛密與趙巖袁象先圖議時有左

右龍驤都在東京帝僞作友珪詔遣還洛下先是劉重
遇部下龍驤一指揮于懷州叛經年搜捕其黨帝因遣
人激怒其衆曰郢王以龍驤軍嘗叛汝等洛下將盡
坑之翼日乃以僞詔示之諸軍憂恐將校垂泣告帝乞
指生路帝諭之曰先帝三十餘年經營社稷千征萬戰
爾等皆曾從之今日先帝尙落人奸計爾等安所逃避
因出梁祖御像以示諸將帝歔歔而泣曰郢王賊害君
父違天逆地復欲屠滅親軍爾等苟能自趨洛陽擒取
逆豎告謝先帝卽轉禍爲福矣衆踊躍曰王言是也皆
呼萬歲請帝爲主時友珪改元之二月十五日帝乃
遣人告趙巖袁象先傳暉朱珪等十七日象先引禁軍
千人突入宮城遂誅友珪事定象先遣趙巖齋傳國寶
至東京請帝卽位于洛陽帝報之曰夷門太祖創業之
地居天下之衝北距并汾東至淮海國家藩鎮多在厥
東命將出師利于便近若都洛下非良圖也公等如堅
推戴冊禮宜在東京賊平之日卽謁洛陽陵廟是月帝
卽位于東京乃去友珪僞號稱乾化三年五代會要
乾化三年二月十七日侍衛都將袁象先率禁兵殺郢
王于洛京帝卽位于汴州改名瑱年二十六初名友貞
其後又改名鏐五代春秋癸酉乾化三年二月帝卽

位千東都誅友珪西都軍大掠殺杜曉五月楊師厚帥師侵趙十二月晉王克幽州以燕王守光歸晉陽誅之
五代史纂誤帝與趙嚴謀討友珪自始謀以至卽位事二百餘字文多不錄今按此事既見于此紀而袁象先楊師厚趙嚴傳又三見之象先傳亦二百餘字大旨皆與此紀同頗爲重複師厚嚴傳比象先傳稍減然亦有繁詞此宜刊定從一或見于此紀或象先傳餘人復則取當記之要事約畧載之可也如是則省文多矣
博王友文官爵五代史詔曰我國家賞功罰罪必叶朝雖暫滯于歲時終振大綱須歸至理重念太祖皇帝嘗開霸府有事四方迨建皇朝載遷都邑每以主留重務居守難才慎擇親賢方膺寄任故博王友文才兼文武識達古今俾分憂于在浚之郊亦其理于興王之地一心無易二紀于茲嘗施惠于士民寔有勞于家國去歲鄧王友珪當懷逆節已露凶鋒將不利于君親欲竊窺于神器此際值先皇寢疾大漸日臻博王乃密上封章請嚴宮禁因以萊州刺史授于鄧王友珪纔覩宣頭俄行大逆豈有自縱兵于內殿却翻事于東都又矯詔書在加刑戮仍奪博王封爵又改姓名冤耻兩深欺誑何

及伏賴上天垂祐宗社降靈俾中外以叶謀致遐邇之
共怒尋平內難獲勦元兇既雪恥于同天且免譏于共
國朕方期通世敢竊臨人遽迫推崇爰膺繼嗣寬憤既
伸于幽顯霈澤宜及于下泉博王宜復官爵仍令有司
擇日歸 三月丁未更名鎰五代史三月丁未制曰朕仰
膺天聰近雪家讐旋聞將相
之謀請紹祖宗之業羣情見迫三讓莫從祇受推崇懼
不負荷方欲烝嘗寢廟裡類郊丘合徵文體之辭用表
事神之敬其或于文尙淺在理未周亦冀隨時別圖制
義雖臣子行孝重更名于已孤而君父稱尊貴難知而
易避今則虔遵古典詳考前聞允諧龜筮之占庶合帝
王之道載惟涼德尤愧嘉名中外羣寮當體朕意宜改
名鎰庚戌以天雄軍節度使充潞州行營都招討使開
府儀同三司檢校太尉兼侍中宏農郡王楊師厚為檢
校太師兼中書令進封鄴王壬戌以夏州節度使檢校
太尉同平章事李仁福為檢校太師進封隴西郡王戊
辰以邢州保義軍留後檢校太保戴思遠為檢校太傅
充邢州節度使庚午以鎮東軍節度副使充兩浙西面
都指揮使行睦州刺史馬綽為檢校太傅同平章事領
秦州雄武軍節度使進封開國侯是月文武百官上言

請以九月十二日帝降誕日夏五代史夏四月癸未以

爲明聖節休假三日從之

都指揮使檢校司徒左龍虎統軍濮陽郡開國侯袁象

先爲特進檢校太保同平章事充鎮南軍節度江南西

道觀察處置等使開封尹判在京馬步諸軍事進封開

國公增食邑一千戶丁酉宣義軍節度副大使知節度

事鄭滑濮等州觀察使檢校太傅長沙五月楊師厚取

郡開國公羅周翰加特進駙馬都尉

滄州五代史五月乙巳天雄軍節度使楊師厚及劉守

營于鎮之南門外壬子晉將史建瑋自趙州領騎五百

入于鎮州師厚知其有備自九門移軍于下博師厚自弓高

以一軍自貝州掠冀州衡水阜城陷下博師厚請以萬進爲青

渡御河迫滄州張萬進懼送欵師厚表請以太祖皇帝六

州節度使以劉守奇爲滄州節度使詔曰太祖皇帝六

月二日大忌朕聞姬周已還並用通喪之禮炎漢之後

方行易月之儀歷代相沿萬幾斯重遂爲故實難遽改

更朕頃遘家寃近平內難倏臨祥制俯迫忌辰音容永

遠而莫追號感彌深而難抑將欲表宅憂于中禁是宜

輟聽政于外朝雖異常儀顧申罔極宜輟五月二十二

日至六月二十九日朝參軍機急切公事卽不得留滯
並仰畫時聞奏施行宰臣文武百官三上表以國忌廢
務多日請依舊制詔報曰朕聞禮非天降固可酌于人
情事繁孝思諒無妨于國體今以甫臨忌日暫輟視朝
冀全哀感之情用表始終之節宰臣等累陳章表備述
古今慮以萬幾之繁議以五日之請雖茲懇切難盡允
俞况保身方荷于洪基敢言過毀而權制獲申于至性
必在得中宜自今月二十九日輟至六月七日無煩仰
請深體朕懷六月戊子以滄州順化軍節度使并潞鎮
定副招討使檢校太傅同平章事張萬進爲青州節度
使秋九月甲辰御史大夫姚洎爲中書侍郎同中書門

卜平章事

五代史秋九月甲辰以光祿大夫守御史大夫吳興郡開國侯姚洎爲中書侍郎平章事

冬十二月晉人取幽州

五代史十二月庚午以前鄆州節度使檢校司徒食邑二千戶福

王友璋爲許州節度使檢校太保是月晉王收

幽州執僞燕主劉守光及其父仁恭歸晉陽

四年

五代史乾化四年春正月壬寅以青州節度使張萬進爲兗州節度使檢校太傅二月甲戌以感化

軍節度使華商等州觀察使檢校太傅同平章事太原

郡開國公康懷英爲大安尹充永平軍節度使大安金

棣等州觀察使夏四月丁丑貶于兢爲萊州司馬五代史夏

其挾私與軍校遷改故也是日以行營左先鋒馬軍使

濮州刺史王彥章爲澶州刺史充行營先鋒步軍都指

揮使加光祿大夫檢校太保封開國伯以永平軍節度

使檢校太傅同平章事劉鄩爲開封尹遙鎮南軍節

度使五月癸丑朔方軍留後檢校司徒韓洙起復授朔

方軍節度使檢校太保秋七月晉王率師自黃澤嶺東

下寇邢洛魏博節度使楊師厚軍于漳水之東晉將曹

進金來奔武寧軍節度使蔣殷反天平軍節度使牛存

節討之五代史九月徐州節度使王殷反時朝廷以福

官爵仍令却還本姓蔣便委友璋及天平軍節度使牛

存節開封尹劉鄩等進軍攻討是時蔣殷求救于淮南

楊溥遣大將朱瑾率衆來援存節等逆擊敗之五代

春秋甲戌四年七月晉人來侵邢州九月徐州蔣殷叛

附于吳牛存節帥師討徐州吳人救徐州存節敗吳師于城下

貞明元年春正月存節克徐州原注時蔣殷自燔死故不書伏誅五代史貞

明元年春牛存節到鄂拔徐州逆賊蔣殷舉族自燔而死于火中得其屍梟首以獻詔福王友璋赴鎮閏二月甲午延州節度使太原西面招討應接使檢校太師兼中書令渤海郡王高萬興進封渤海王三月丁

卯趙光逢罷平盧軍節度使賀德倫為天雄軍節度使

原注命官不書非常而有故則書此書為天雄軍亂張本分其相澶衛州為昭德軍

宣徽使張筠為節度使己丑天雄軍亂賀德倫叛附于

晉原注軍亂有首惡不書而書德倫叛責貴者深也德倫不可加以首惡而可責其不死以叛張彥寔首惡

而畧不書彥微者德倫獨任其責邠州李保衡叛于岐來附五代史三月辛酉朔以天平軍節度副大使知節度事兼淮南西北面行營招討應接等使檢校太傅同平章

事牛存節爲檢校太尉加食邑一千戶賞平徐之功也
 丁卯以右僕射兼門下侍郎同平章事監脩國史判度
 支趙光逢爲太子太保致仕魏博節度使楊師厚薨輟
 視朝三日初師厚握強兵據重鎮每邀朝廷姑息及薨
 或者以爲天意租庸使趙巖租庸判官邵贊獻議于帝
 曰魏博六州精兵數萬蠹害唐室百有餘年羅紹威前
 恭後倨太祖每深含怒太祖月未屬繼師厚卽肆陰謀
 蓋以地廣兵強得肆其志不如分削使如身使臂卽無
 不從也陛下不以此時制之寧知後人之不爲楊師厚
 耶若分割相魏爲兩鎮則朝廷無北顧之患矣帝曰善
 卽以平盧軍節度使賀德倫爲天雄軍節度使遣劉鄩
 率兵六萬屯河朔詔曰分疆裂土雖賞勲勞建節屯師
 亦從機便比者魏博一鎮巡屬六州爲河朔之大藩實
 國家之巨鎮所分憂寄允謂重難將叶事機須期通濟
 但緣鎮定賊境最爲魏博親鄰其次相衛兩州皆控澤
 潞山口兩道並連于晉土分頭常寇于魏封旣須日有
 戰爭未若俱分節制免勞兵力因奔命于兩途稍泰人
 心俾安居于終日其相州宜建節度爲昭德軍以潼衛
 兩州爲屬郡以張筠爲相州節度使已丑魏博軍亂因
 節度使賀德倫是時朝廷旣分魏博六州爲兩鎮命劉

霸統大軍屯于南樂以討王鎔爲名遣澶州刺史行營先鋒步軍都指揮使王彥章領龍驤五百騎先入于魏州屯于金波亭詔以魏州軍兵之半隸于相州并徙其家焉又遣主者檢察魏之帑廩旣而德倫促諸軍上路姻族辭決哭聲盈巷其徒乃相聚而謀曰朝廷以我軍府強盛故設法殘破況我六州厯代藩府軍門父子姻族相連未嘗遠出河門離親去族一旦遷于外郡生不如死三月二十九日夜魏軍乃作亂放火大掠首攻龍驤軍王彥章斬關而遁遲明殺德倫親軍五百餘人于牙城執德倫置之樓上有効節軍校張彥者最爲粗暴膽氣伏人乃率無賴輩數百止其剽掠是日魏之士庶被屠戮者不可勝紀帝聞之遣使齎詔安撫仍許張彥除郡厚賜將士優賞彥等不遜投詔于地侮罵詔使因迫德倫飛奏請却復相衛抽退劉鄩軍帝復遣諭曰制置已定不可改易如是者三彥等奮臂南向而罵曰偏保兒敢如是也復迫德倫列其事時有文吏司空頌者甚有筆才彥召見謂曰爲我更草一狀詞宜抵突如更敢違則渡河擄之乃奏曰臣累拜封草上聞天聽在軍衆無非共切何朝廷皆以爲閒半月三軍切切而戈矛未息一城生聚皇皇而控告無門惟希俯鑒丹衷苟從

衆欲須垂聖允斷在不疑如或四向取謀但慮六州俱失言非意外事在目前張彥又以楊師厚先兼招討使請朝廷依例授之故復逼德倫奏曰臣當道兵甲素精獬豸極銳下視并汾之敵平吞鎮定之人特乞委臣招討之權試臣湯火之節苟無顯效任賜明誅詔報曰魏博寇敵接連封疆懸遠凡于應赴須在師徒是以別建節旄各令捍禦并鎮則委魏博控制澤潞則遣相衛枝梧咸逐便安貴均勞逸已定不移之制宜從畫一之規至于征伐事權亦無定例且臨清王領鎮之日羅紹威守藩以來所領事銜本無招討祇自楊師厚先除陝滑二帥皆以招討兼權因茲帶過鄴中原本不曾落下同循事體寧恡施行況今劉鄩指鎮定出征康懷英往邠岐進討祇令統帥師旅亦無招討使銜切宜徧諭羣情勿與浮議倚注之意卿宜體之詔至張彥壞裂抵之于地謂德倫曰梁王不達時機聽人穿鼻城中擾攘未有所依我甲兵雖多須資勢援河東晉王統兵千萬匡復唐朝世與大梁仇讐若與我同力事無不濟請相公改圖以求多福德倫不得已而從之乃遣牙將曹廷隱奉書求援于太原彥使德倫告諭軍城曰可依河東稱天祐十三年此後如有人將文字于河南往來便仰所在

處置是月邠州留後李保衡以城歸順保衡楊崇本養子也崇本乃李茂貞養子任邠州二十餘年去歲爲其子彥曾所毒彥曾領知州事五十餘日保衡殺彥曾送款于帝卽以保衡爲華州節度使以河陽留後霍彥威爲邠州節度使通鑑攷異莊宗列傳宰相敬翔租庸使趙巖判官邵贊等爲友貞畫策分魏博六州爲兩鎮又莊宗列傳二十七日劉鄩屯南樂遣龍驤都將王彥章以五百騎入魏州是夜三鼓魏軍亂夏代史五月晉王率師赴魏州節度使牛存節薨是月鳳翔李茂貞遣僞署涇州節度使劉知俊率師攻邠州以李保衡歸順故也自是凡攻圍十四月節度使霍彥威六諸軍都指揮使黃貴堅守捍冠會救軍至岐人乃退六月庚寅朔晉王李存勗入于魏州遂取德州五代史六月王入魏州以賀德倫爲大同軍節度使舉族遷于晉陽是月晉人陷德州秋七月又陷澶州刺史王彥章棄城來奔是月劉鄩自洹水潛師由黃澤路西趨晉陽至樂平縣值霖雨積旬乃班師還次宗城遂至貝州軍于堂邑遇晉軍轉鬪數十里晉軍稍退翼日鄩移軍于莘八月賀瓌收復澶州九月以行營先鋒步軍都指揮使行

廣州刺史檢校太保王彥章為汝州防禦使依前行營先鋒步軍都指揮使壬午正衙命使冊德妃張氏是夕

妃冬十月辛亥康王友孜反伏誅原注反者不日誅反者有日故書五代

史冬十月辛亥康王友孜謀反伏誅是夕帝于寢殿熟寐忽聞御榻上寶劍有聲帝遽起視之而友孜之黨已

入于宮中帝揮之獲免壬午葬德妃張氏十一月乙丑改元耀州溫昭圖叛

于岐來附是歲更名瑱原注舊史失其月日五代史

明元年十二月乙未詔升華原縣為崇州靜勝軍以美原縣為裕州以為屬郡以偽命義勝軍節度使鼎耀等

州觀察使特進檢校太保同平章事李彥韜為特進檢校太傅同平章事充靜勝軍節度使崇裕等州觀察使

河內郡開國侯仍復本姓溫名昭圖昭圖華原賊帥也李茂貞以為養子以華原為耀州美原為鼎州偽命昭

圖為節度使至時歸欵故有是命五代春秋乙亥貞明元年正月牛存節克徐州誅蔣殷三月魏博賀德倫

叛于晉邠州李保衡以地來歸六月晉王入魏以賀德倫歸晉師遂取德州七月劉鄩帥師侵晉十月誅友孜

十一月
改元

二年春

五代史貞明二年春正月庚申以皇伯父未州節度使開府儀同三司檢校太師兼中書令廣

王全昱為守中書令餘如故以浙江東道營田副使檢校太傅前常州刺史杜建徽遙領涇州節度使通鑑

二年春正月宣武節度使守中書令廣德靖王全昱卒二月丙申楊涉罷五代史

申右僕射門下侍郎平章事諸道鹽鐵轉運等使楊涉罷相守左僕射涉累上章以疾辭位故有是命是月命

許州節度使王檀河陽節度使謝彥章鄭州防禦使王彥章率師自陰地關抵晉陽急攻其壘不克而還五

代史纂誤今按楊涉之相及罷以本紀及傳攷之頗有異同列之如左太祖紀開平元年歲次丁卯四月皇帝

即位五月以唐相楊涉為門下侍郎同中書門下平章事案今史太祖本紀開平元年五月止以涉為門下侍

郎未嘗同中書門下平章事二年歲次戊辰四月楊涉罷十一月左僕射楊涉同中書門下平章事三年歲次

己巳九月楊涉罷末帝紀貞明二年歲次丙子二月丙申楊涉罷涉本傳云唐亡事梁為門下侍郎同中書門

下平章事在位三年俛首無所施為罷為左僕射知貢
舉後數年卒以上涉之再入再罷紀傳既已不同至于
貞明二年二月丙申但書涉罷而不見其入之年月此
尤為可疑無乃史遺其入歟或誤書其罷歟注者亦不
述其因莫知其說也三月鎮南軍節度使劉鄩及晉人戰于故元

城敗績奔于滑州晉人取衛州惠州捉生都將李霸反

伏誅

五代史三月劉鄩率師與晉王大戰于故元城鄩

軍敗績先是鄩駐于莘帝以河朔危急師老于外
餉饋不充遣使賜鄩詔微有責讓鄩奏曰但人給糧十斛盡
可輕動帝又問鄩決勝之策鄩奏曰但人給糧十斛盡
則破敵帝不悅復遣促戰鄩召諸將會議諸將欲戰鄩
默然一日引軍攻鎮定之營彼眾大駭上下騰亂俘斬
甚眾時帝遣偏將楊延直領軍萬餘人屯澶州以應鄩
既而晉王詐言歸太原劉鄩以為信是月召楊延直會
于魏城下鄩自莘率軍亦至與延直會既而晉王自貝
州至鄩引軍漸退至故元城西與晉人決戰大為其所
敗追襲至河上軍士赴水死者甚眾鄩自黎陽濟河奔
滑州已已制以鄩為滑州宣義軍節度副大使知節度

事晉人攻衛州夏五代史夏四月乙酉朔威武軍節度

陷之又陷惠州使守太傅兼中書令閩王王審知賜

號忠勤保安興國功臣餘如故晉人陷洺州癸卯夜捉

生都將李霸作亂龍驤都將杜晏球討平之時遣捉生

軍千人戍楊劉軍出宋門外是夜由水門復入二鼓大

譟火發燭城李霸與其徒燔建國門不克龍驤都將杜

晏球屯鞠場聞亂兵至率騎擊之亂軍退走馬登建國

門晏球奏曰亂者惟李霸一軍但守宮城遲明臣必破

之未明晏球誅霸及其同惡京師方定是月以行營先

鋒步軍都指揮使汝州防禦使王彥章為鄭州防禦使

依前先鋒步軍都指揮六月捉生都將張溫叛降于晉

使五月晉軍還太原五代史六月晉人急攻邢州帝遣捉生都將張溫率步

騎五百人入于邢州至內黃溫率眾降于晉人又張

溫字德潤魏州魏縣人也始仕梁祖為步直小將改崇

明都校貞明初蔣殷以徐州叛從劉鄩討平之改左右

捉生都指揮使莊宗伐邢臺獲之用為永清都校歷武

州刺史山後入軍都將從莊宗襲契丹于幽州收新州

歷銀槍効義都指揮使再任武州刺史同光初契丹陷

媯儒檀順平薊六州武州獨全改授蔚州刺史天成初

歷振武昭武留後尋授利州節度使入為右衛上將軍
無幾授洋州節度使右龍武統軍改雲州節度清泰初
屯兵鴈門逐契丹出塞移鎮秋七月晉人取相州張筠
晉州嬰疾而卒詔贈太尉

奔于京師安國軍節度使閻寶叛附于晉五代史秋七月甲寅朔晉

王自太原至魏州節度使張筠藥城奔京師邢州節度
使閻寶以城降于晉王王戌以淮南鎮海鎮東等軍節
度使充淮南宣潤等道四面行營都統開府儀同三司
尚父守尚書令吳越王錢鏐為諸道兵馬元帥餘如故
以左僕射楊涉為太子太傅致仕通鑑考八月丁酉
異劉恕廣本云筠奔東都授左衛上將軍

太子太保致仕趙光逢為司空兼門下侍郎同中書門

下平章事五代史八月丁酉以開府儀同三司太子太

宏文館大學士延資庫保致仕趙光逢為司空兼門下侍郎平章事九月晉人取滄州橫海軍節度

使充諸道鹽鐵轉運使使戴思遠奔于京師晉人克貝州守將張源德死之原注

書死得其死也 五代史九月晉王還太原滄州節度使戴思遠棄城來奔晉人陷貝州已卯天平軍節度副大使知節度事檢校太師兼中書令瑯琊郡王王檀薨又戴思遠本梁之故將也初事梁祖以武幹知名開平元年自右羽林統軍加檢校司徒出爲晉州刺史二年授右監門上將軍尋改華州防禦使三年自左天武使復授右羽林統軍郢王友珪篡位授洛州團練使貞明中爲邢州留後遷本州節度使屬燕將張萬進殺滄州留後劉繼威以城歸梁末帝命思遠鎮之莊宗平定魏博以兵臨滄德思遠棄鎮渡河歸汴累遷天平軍節度使兼北面招討使將兵與莊宗對壘久之莊宗討張文禮于鎮州契丹來援莊宗追襲契丹至幽州思遠聞之總兵以襲魏州至魏店遇明宗騎軍適至思遠乃西涉洹水陷成安復歸楊村砦盡率其衆攻德勝北城城中危急符存審晝夜乘城以拒之莊宗自薊五日馳至魏州思遠聞之解去及明宗襲下鄆州思遠罷軍權降授宣化軍留後其年莊宗入汴思遠自鄧州入朝復令歸鎮明宗卽位移授洋州節度使及西川俱叛思遠以董璋故人避嫌請代徵入朝宿衛以年告老授太子少保致仕清泰二年八月卒于家 五代春秋丙子二年

二月王檀帥師侵晉攻晉陽不克劉鄩及晉王戰于元城鄩師敗績三月晉人取衛州洺州六月晉人圍邢州七月相州張筠逃歸相州入于晉邢州閻寶叛以地入于晉滄州戴思遠逃歸滄州入于晉晉人又敗貝州盜殺鄩州冬十月丁酉中書侍郎鄭珣同中書門下平章

事

五代史十月丁酉以開府儀同三司中書侍郎兼吏部尚書同平章事集賢殿大學士判戶部敬翔爲右

僕射兼門下侍郎平章事監脩國史判度支以光祿大夫中書侍郎同平章事鄭珣爲特進兼刑部尚書平章事集賢殿大學士判戶部十一月晉王自太原至魏州是月前昭義軍節度使檢校太師兼侍中陳留郡王葛從周薨是歲河北諸州悉入于晉

三年

五代史貞明三年春正月戊午以前淄州刺史高允奇爲右羽林統軍癸亥以前天平軍馬步軍都

指揮使檢校太保朱勅爲懷州刺史癸酉以右天武軍使石釗爲密州刺史戊寅以前懷州刺史李建爲安州刺史仍賜名知節已卯以宣義軍節度副大使知節度事北面行營副招討等使特進檢校太傅霍彥威爲天

平軍節度副大使知節度事二月甲申晉王攻我黎陽
劉鄩拒之而退乙酉前蔡州刺史董瑋權知宣義軍軍
州事丁亥以前右羽林軍統軍梁繼業爲左衛上將軍
壬辰以租庸判官檢校司徒張紹珪爲光祿卿依前充
租庸判官癸巳以權知平盧軍州事客省使知銀臺
事元湘爲檢校司空甲午以飛龍使婁繼英爲左武衛
大將軍三月庚申以前天平軍節度副使裴彥爲隨州刺
舊州刺史辛酉以前天平軍節度副使裴彥爲隨州刺
史戊寅湖州刺史錢傳瓘溫州刺史錢傳璉睦州刺史錢傳璚
度副使錢傳瓘溫州刺史錢傳璉睦州刺史錢傳璚
州刺史錢傳璚明州刺史錢傳璚義州刺史錢傳璚
州刺史錢傳璚明州刺史錢傳璚義州刺史錢傳璚
錢傳璚等凡一十一人並加官夏四月辛卯右千牛衛
勳階爵從吳越王錢鏐之請也夏四月辛卯右千牛衛
大將軍劉瑑使于契丹五代史夏四月庚辰以前行左
上將軍辛巳以前安州刺史劉玘權知晉州軍州事以
前密州刺史張實爲潁州刺史充本州團練使癸未以
六軍押衙充左天武軍使劉彥珪爲澶州刺史辛卯以
右千牛衛大將軍劉瑑充契丹宣諭使詔諸道兵馬元

帥開幕除吏一同天策上將府故事辛丑以清海軍元
從都押衙隴州刺史吳錫爲檢校司空癸卯以兩浙衙
內先鋒指揮使守峯州刺史錢傳珣爲泗州刺史六月
庚辰以前東京馬步都指揮使兼左天武軍使雷景從
爲汝州刺史充本州防禦使辛卯以租庸判官光祿大
夫檢校司徒行光祿卿張紹珪爲申州刺史壬辰以權
知晉州建寧軍軍州事前安州刺史劉玘爲建寧軍節
度觀察留後秋七月丁巳以淄州刺史陳洪爲棣州刺
史乙丑以刑部員外郎封翹爲翰林學士丙寅以汝州
刺史楊延直爲左衛大將軍以前左衛上將軍劉重霸
爲起復雲麾將軍右驍衛上將軍庚午以六軍諸衛副
使起復雲麾將軍檢校太保張業爲淄州刺史八月辛
巳以左神武軍統軍周武爲寧州刺史以左崇安指揮
使前申州刺史劉仁鐸爲衍州刺史戊子泰寧軍節度
使張萬進賜名守進九月庚申以遙領常州冬五代史
刺史張昌孫遙領壽州刺史充本州團練使冬十月
壬午以權西面行營都監左武衛上將軍張筠權知商
州軍州事戊子詔曰太子太傅李戡多因釋教詐惑羣
情此後不得出入無恒癸巳以前崇德軍使張思綰爲
左武衛上將軍已亥以啓聖匡運同德功臣諸道兵馬

元帥淮南鎮海鎮東等軍節度使充淮南宣潤等四面
行營都統開府儀同三司尚書令吳越王錢鏐爲天下
兵馬元帥壬寅以尙書左丞吳藹爲工部尚書充兩浙
官告使是月晉王自魏州還太原閏十月丁卯以前商
州刺史徐璠爲左驍衛上將軍充西都大內皇牆使十
一月壬午以中書侍郎平章事鄭珣權判戶部事戊子
以寧州刺史周武爲武靜軍防禦使守慶
州刺史以河潼軍使竇廷琬爲寧州刺史
十二月宣義
軍節度使賀瓌爲北面行營招討使已巳如西都卜郊
晉人取楊劉
五代史十二月晉王自太原復至魏州庚申以左金吾衛大將軍充街使華溫琪爲右龍虎軍統軍以右龍虎軍統軍張彥勲爲商州刺史以前西京大內皇牆使李頊爲右威衛上將軍以左金吾衛上將軍李周彝權兼左街使壬戌以守太尉兼中書令河南尹判六軍諸衛事魏王張宗奭爲天下兵馬副元帥丙寅以西面行營馬軍都指揮使檢校太保鄭州刺史充本州防禦使王彥章爲檢校太傅丁卯以西面行營馬步都指揮使左龍虎軍統軍賀瓌爲檢校太傅同中書門下平章事充宣義軍節度使鄭滑濮等州

觀察處置等使已已帝幸洛陽爲來年有事于南郊也
遂幸伊闕親拜宣陵時租庸使趙巖勸帝郊天且言帝
王受命須行此禮願陛下力行之宰臣敬翔奏曰國家
自劉鄩失律以來府藏殫竭箕斂百姓供軍不暇郊祀
之禮頒行賞資所謂取虛名而受實弊也況晉人壓境
車駕未可輕動帝不聽遂行是月晉人陷楊劉城帝聞
之懼遂停郊禮車駕急歸東京癸酉詔文武兩班除元
隨駕人數外其餘並令御史司憲張袞部署候車駕離
京後一兩日發赴東京甲戌以天下兵馬副元帥太尉
兼中書令河南尹魏王張宗奭爲西都留守五代春
秋丁丑三年二月晉人來侵洛陽十月
二月己巳帝幸西都晉人來取楊劉

四年正月不克郊己卯至自西都

五代史貞明四年春正月晉人寇鄆濮之

境車駕至自洛陽庚辰以蔡州刺史姚勗權知感化軍
節度觀察留後乙酉以前靜難軍馬步軍都指揮使黃
貴爲蔡州刺史甲午以右領軍上將軍齊奉國爲左
金吾衛大將軍充街使二月遣將謝彥章帥衆數萬追
楊劉城甲子晉王來援楊劉城彥章之軍不利而退三
月壬午以前右武衛上將軍張筠爲左衛上將軍癸巳

以鎮國軍節度押衙充本道馬步軍都指揮使江可復
為行州刺史壬寅鎮海鎮東寺軍節度行軍司馬秦州
節度使檢校太傅同平章事馬綽加檢校太尉同平章
事依前鎮海鎮東等軍節度行軍司馬餘如故從錢鏐
之請夏四月己酉尚書吏部侍郎蕭頊為中書侍郎同

中書門下平章事

五代史蕭頊字子澄京兆尹廩之子頊聰悟善相倣之孫京兆尹廩之子頊聰悟善

屬文昭宗朝擢進士第歷度支巡官太常博士右補闕
時國步艱難連帥促強率多奏請欲立家廟于本鎮頊
上章論奏乃止累遷吏部員外郎先是張濬自中書出
為右僕射梁祖判官高劭使梁祖廕求一子出身官省
寺皆稱無例濬曲為行之指揮公事且非南宮舊儀濬聞
僕射未集即官赴省上指揮公事且非南宮舊儀濬聞
之慙悚致謝頊由是知名梁祖亦獎之頃入梁歷給諫
御史中丞禮部侍郎知貢舉咸有能名自禮部侍郎拜
中書門下平章事與李琪同輔梁室事多矛盾莊宗入
汴頃坐貶登州司戶量移濮州司馬數年遷太子賓客
天成初為禮部尚書太常卿太子少保致仕卒時年六
十九輟朝一日贈太子少師又蕭愿字惟恭梁宰相

頃之子也頃明宗朝終于太子少保唐書有傳初愿之
會祖倣唐僖宗朝入相接客之次愿爲兒童戲效傳呼
之聲倣謂客曰余豈敢以得位而喜所幸奕世壽考吾
今又有曾孫在目前矣愿弱冠舉進士第解褐爲校書
郎改畿尉直史館監察殿中侍御史遷比部員外郎右
司郎中太常少卿明宗朝祀太微宮愿乘醉預公卿之
列爲御史所彈左遷右贊善大夫未幾授兵部郎中復
金紫丁內艱服闋自左司郎中拜右諫議大夫厯給事
中右常侍秘書監改太子賓客廣順元年春卒贈禮部
尚書愿性純謹承事父母未嘗不束帶而見然性嗜酒
無節職事弛慢爲兵部郎中日常常告身印覃恩之次
頗急職司父頃爲吏部尚書代愿視印篆其散率如此
愿卒時年七十餘其母猶在已趙光逢罷五代史夏四
在一門壽考人罕及者已趙光逢罷月丁未以宣
徽院使右衛上將軍趙穀權知青州軍州事以宣徽院
副使韋堅權知本院事已酉以銀青光祿大夫行中書
侍郎同中書門下平章事權判戶部鄭珏爲金紫光祿
大夫中書侍郎兼刑部尚書平章事集賢殿大學士判
戶部上柱國仍進封榮陽郡開國侯加食邑五百戶以
金紫光祿大夫行尚書吏部侍郎上柱國蘭陵縣開國

男食邑三百戶蕭頊爲中書門下平章事仍進封蘭陵
縣開國伯加食邑四百戶庚戌以前崇德軍使前右武
衛大將軍杜存爲右領軍衛上將軍甲寅以刑部郎中
充史館脩撰竇專爲翰林學士初學士竇夢徵草錢鏐
麻貶蓬萊尉帝召專入翰林遣崇政使李振問宰相云
專是宰臣蕭頊女婿令中書商量可否中書奏曰宰相
親情不妨居清顯避嫌之道雖著舊規若蒙特恩亦有近
例固不妨事帝乃可之已未靈武節度使韓洙落起復
授開府儀同三司依前檢校太傅同平章事癸亥以延
州忠義軍節度使太原西而招討應接使檢校太師兼
中書令渤海王高萬興兼鄜延兩道都制置使餘如故
時萬興弟鄜州節度使萬金卒故有是命已巳以開府
儀同三司守司空兼門下侍郎同平章事趙光逢爲司
徒致仕兼加食邑五百戶以光逢累上章請老故也辛
未詔宰臣敬翔權判諸道鹽錢使務王申以太子賓客
趙光允爲吏部侍郎五月甲戌以荆南衙內馬步軍都
指揮使檢校司徒高從誨領濠州刺史乙亥以特進檢
校太傅前潁州團練使張實爲起復雲麾將軍依前潁
州團練使庚辰以工部尚書致仕孔拯爲國子祭酒已
丑以太常少卿韋彖爲右諫議大夫六月甲辰以金紫

光祿大夫檢校司徒歙州刺史朱令德爲忠武軍節度
觀察留後已酉以權知感化軍兩使留後特進檢校太
保姚勅爲感化軍節度觀察留後庚戌以秘書少監王
翹爲將作監以其父名秘故也丙辰以左監門衛將軍
康贊美爲商州刺史以左衛上將軍張筠爲權知永平
軍節度觀察留後兼判大安府事戊午以前景州刺史
衛審符爲右衛大將軍庚申以河陽節度充北面行營
排陣兩京馬軍都軍節度陳許蔡等州觀察處置等使以宣
彥章爲匡國軍節度陳許蔡等州觀察處置等使以宣
徽院副使韋堅權知河陽軍州事秋七月庚辰以商州
刺史康贊美爲起復雲麾將軍依前商州刺史辛卯以
前左驍衛上將軍楊詔爲右武衛上將軍戊戌以前匡
國軍節度使檢校尙書左僕射羅周敬爲檢校司空守
殿中監駙馬都尉八月丙午以右廣勝軍使劉君鐸爲
號州刺史戊申以武寧軍節度副使李存權知宿州事
辛亥涇原節度使杜建徽加檢校太傅同平章事建徽
吳越王錢鏐之將也遙領涇原節制至是以其上請加
恩故有是命乙卯以蔡州刺史黃貴爲絳州刺史辛酉
以絳州刺史尹皓爲感化軍節度觀察留後癸亥以前
永平軍節度副使張正已爲房州刺史乙丑以宿州團

練使趙麓權知河陽節度觀察留後以左驍衛將軍劉
去非爲郢州刺史戊辰以權知永平軍節度觀察留後
兼判大安府事張筠爲永平軍節度觀察留後依前兼
判大安府事是月晉王率師次楊劉口遂軍于麻家渡
北面招討使賀瓌以兵屯濮州北行臺村對壘百餘日
晉王以輕騎來覘許州節度使謝彥章發伏兵掩擊圍
之數重會救軍至晉王僅以身免九月丁丑靜勝軍節
度崇裕等州觀察處置等使特進檢校太傅同平章事
溫昭圖檢校太尉甲午崇政院副使張希逸加金紫光
祿大夫行秘書少監乙未起復雲麾將軍檢校太保壽
州團練使張昌孫落起復冬五代史冬十月辛丑朔以
授光祿大夫檢校太傅前威化軍節度觀察留後
特進檢校太保姚勅爲左龍虎統軍充西都內外馬步
軍都指揮使以洛苑使金紫光祿大夫檢校司徒守左
威衛大將軍董璋爲右龍虎統軍已酉以安南靜海節
度使檢校司徒曲美爲檢校太保同平章事庚戌以商
州刺史康贊美爲蔡州刺史十一月壬辰前懷州刺史
州刺史朱勅授起復雲麾將軍依前懷州刺史十二月
庚子朔賀瓌殺其將謝彥章孟審澄侯溫裕癸亥瓌及

晉人戰于胡柳敗績是歲泰寧軍節度使張守進叛附

于晉亳州團練使劉鄩爲兗州安撫制置使以討之原注

舊史不書亡其月日故書于歲末爲明年克兗州張本

五代史十二月庚子朔晉王領軍迫行臺寨距寨十

里結營而止北面招討使賀瓌殺許州節度使謝彥章

濮州刺史孟審澄別將侯溫裕等于軍以謀叛聞爲行

營馬步都虞候朱珪構之也晉王聞之喜曰彼將帥不

和亡無日矣丁未以行營諸軍馬步都虞候光祿大夫

檢校太保曹州刺史朱珪爲檢校太傅充匡國軍節度

觀察留後依前行營諸軍馬步都虞候癸丑詔曰行營

諸軍馬步都虞候匡國軍節度觀察留後朱珪昨以寇

戎未滅兵革方嚴所期朝夕之間克弭烟塵之患每于

將帥別注憂勞而謝彥章孟審澄侯溫裕忽構異圖將

萌逆節賴朱珪挺施貞節密運沈機果致梟擒免資讐

敵特加異殊之命用旌忠孝之謀便委雄藩俾荷隆渥

可檢校太傅充平盧軍節度淄青登萊等州觀察處置

押新羅渤海兩蕃等使兼行營諸軍馬步軍副都指揮

使仍進封沛國郡開國侯乙己起復雲麾將軍檢校太

保陳州刺史惠王友能鎮國軍節度陝虢等州觀察處
置等使起復雲麾將軍檢校太保邵王友誨並落起復
加檢校太傅以前房州刺史牛知業為右羽林軍統軍
癸亥北面招討使賀瓌率大軍與晉人戰于胡柳陂晉
人敗績是日既賊復為晉人所敗初晉人起軍將襲東
京乃下令軍中老弱悉歸于鄴是月二十二日晉王次
臨濮賀瓌王彥章自行臺寨率軍蹕之二十四日至胡
柳陂晉王領軍出戰瓌軍已成列晉王以騎突之王彥
章一軍先敗彥章走濮陽晉人輜重在陣西瓌領軍薄
之晉人大奔自相蹈藉死者不可勝紀晉大將周德威
歿于陣瓌軍乃登土山列陣于山之下晉王復領兵來
戰瓌軍遂敗翼日晉人攻濮陽陷之京師戒嚴五代
春秋戊寅四年正月晉人來侵鄆州已卯帝還東都謝
彥章帥師侵晉攻楊劉晉王救楊劉彥章及晉王戰于胡
章師敗績十二月賀瓌殺謝彥章賀瓌及晉王戰于胡
柳陂晉師敗績是夕再戰瓌師敗績晉人遂取濮陽鄆
州李保衡以地來歸

五年春正月晉軍于德勝

原注用兵無勝敗不書此梁
晉得失所繫故書也五代

史貞明五年春正月晉人城德勝夾河爲柵二月乙巳以宣徽院副使韋堅權知徐州軍事三月己卯以華州感化軍留後尹皓爲華州節度使加檢校太保同平章事癸未制削奪兗州節度使張守進在身官爵以其叛故也仍命劉鄩爲兗州管內安撫制置使領兵以攻之夏四月壬寅以永平軍留後兼判大安府事張筠爲永平軍節度使檢校太保行大安尹庚戌以鎮海軍北面水陸都指揮使湖州刺史檢校太傅錢傳璟遙領宣州寧國軍節度使加同平章事是月賀瓌攻德勝南城以朦朧戰艦橫于河以扼津濟之路晉人斷其朦朧濟軍以援南城瓌等退軍五月己巳山南東道節度使鄜延兩道太傅孔勣加同平章事丁亥以延州節度使鄜延兩道都制置太原西面招討應接等使渤海郡王高萬興爲檢校太師兼中書令充保太忠義等軍節度鄜延管内觀察等使是月以行營諸軍左廂馬軍都指揮使鄭州防禦使王彥章爲許州匡國軍節度觀察留後依前行營諸軍左廂馬軍都指揮使六月王戌以天驥院使李隨權知登州軍州事王堂問話朱梁尹皓鎮華州夏將半出城巡警時蒲雍各有兵戈相持故也因下馬于荒地中得一物如石又如卵其色青黑光滑可愛令左

右收之又行二三十里見村院佛遂真於像前其夜雷
霆大震猛雨如注天火燒佛堂而不損佛像蓋龍卵也
院外柳樹數百株皆秋五代史秋七月晉八月乙未朔
倒植之其卵已失王自魏州還太原
開封尹王瓚為北面行營招討使五代史八月乙未朔
輟視朝三日詔贈侍中是月命開封尹王瓚為北面行
營招討使瓚乃與許州留後王彥章等率大軍自黎陽
濟營于楊村造浮梁以通津路九月丙寅制削奪廣州
節度使南平王劉巖在身官爵以其將謀僭號故也乃
詔天下兵馬元帥冬十月劉鄩克兖州張守進伏誅代
錢鏐指揮攻討
史冬十月晉王復至魏州是月劉鄩攻下兖州擒張守
進夷其族十一月丁丑以兖州安撫制置使特進檢校
太傅大彭郡開國公劉鄩為兖州節度使開府儀同三
司檢校太尉同平章事賞平兖之功也辛卯王瓚帥師
至戚城遇晉軍交綏而退五代史纂誤今按劉鄩劉
處讓傳皆為張萬進紀傳不同未知孰是案薛史梁本
紀及張萬進傳俱云萬進降于梁賜名守十二月晉人
進歐陽史削去賜名一事故紀傳不同

取濮陽天平軍節度使霍彥威爲北面行營招討使五代史十二月戊戌晉王領軍迫河南寨王瓚率師禦之獲晉將石家才旣而瓚軍不利瓚退保楊村寨晉人陷濮陽

六年

五代史貞明六年春正月戊子以曹州刺史朱漢賓爲安州宣威軍節度使以許州匡國軍節度觀

察留後充散指揮都軍使檢校太傅王彥章爲匡國軍節度使進封開國侯軍職如故二月癸丑宣州節度使錢傳璟起復依前檢校太傅同平章事宣州節度使以其丁內艱故也三月丁亥以前申州刺史張紹珪爲大卿

理夏四月己亥降死罪以下囚乙巳尙書左丞李琪爲

中書侍郎同中書門下平章事河中節度使朱友謙襲

同州殺其節度使程全暉叛附于晉泰寧軍節度使劉

鄆討之

五代史夏四月丁亥制曰王者愛育萬方慈養百姓恨不驅之仁壽撫以淳和而炎黃有戰伐

之師堯舜有干戈之用諒不獲已其猶病諸然則去害
除妖興兵動衆殺黑龍而濟中土刑白馬而誓諸侯終
能永逸暫勞以至同文共軌古今無異方冊其存朕以
眇末之身託億兆之上四海未乂八年于茲業業兢兢
日慎一日雖踰山越海肅慎方來而召雨徵風蚩尤尙
在顧茲殘孽勞我大邦將士久于戰征黎庶疲于力役
木牛暫息則師人有乏爨之憂流馬盡行則丁壯有無
聊之苦況青春告謝朱夏已臨妨我農時迫我戎事永
言大計思致小康宜覃在宥之恩稍示殷憂之旨用兵
之地賦役寔煩不有蠲除何使存濟除兩京已放免外
應宋毫潁鄆齊魏滑鄭濮沂密青登萊淄陳許均房襄
鄧沁隨陝華雍晉絳懷汝商等三十二州應欠貞明四
年終已前夏秋兩稅并鄆齊滑濮襄晉輝等七州兼欠
貞明四年已前營田課利物色等並委租庸使逐州據
其名額數目矜放所在官吏不得淹停制命徵督下民
致恩澤不及于鄉閭租稅虛捐于帳籍其有私放遠年
債負生利過倍自違格條所在州縣不在更與徵理之
限兗州城內自張守進違背朝廷結連蕃寇久勞攻討
頗困生靈言念傷殘尋加給復應天下見禁罪人如犯
大辟合抵極刑者宜示好生特令減死除準格律常赦

不原外徙流已下遞減一等除降官未經量移者與量
移已量移者便與復資云庚子宗正卿朱守素上言請
依前朝置院令諫議大夫專判從之乃以右諫議大
夫鄭韜光充知院使乙巳以右僕射兼門下侍郎同平
章事監脩國史判度支開國公敬翔為宏文館大學士
延資庫使諸道鹽鐵轉運等使餘如故以中書侍郎兼
刑部尚書平章事集賢殿大學士判戶部事鄭珏為監
脩國史判度支以中書侍郎平章事蕭頊為集賢殿大
學士判戶部事以尚書左丞李琪為中書侍郎平章事
丙午吏部侍郎趙光允為尚書左丞已酉以河中護國
軍節度副大使知節度事制置度支解縣池場等使開
府儀同三司守太保兼中書令冀王友謙依前守太保
兼中書令兼同州節度使餘如故癸丑鄜延節度使兼
西面招討應接等使檢校太保兼中書令渤海郡王高
萬興進封延安王賜號匡時定節功臣前衛州長史劉
隱進所撰地理手鏡十卷已未以租庸判官尚書工部
郎中張銳為戶部侍郎中充崇政院學士辛酉以前吏部
侍郎盧協為吏部侍郎五月乙丑故左衛上將軍齊奉
國贈太傅詔曰應文武朝官或有替罷多年漂流在外
者宜令中書門下量才除授勿使栖遲或有進士策名

累年未釋褐者與初任一官已釋褐者依前資叙用乙酉升宋州爲大都督府其餘廢大都督府額六月遣充州節度使劉鄩華州節度使尹皓崇州節度使溫昭莊宅使段凝領軍攻同州先是河中朱友諒襲陷同州節度使程全暉單騎奔京師友諒以其子令德爲同州留後表求節旄不允旣而帝慮友諒怨望遂命兼鎮同州制命將下而友諒已叛遣使求援于晉故命將討之秋七月陳州妖賊母乙自稱天子九月庚寅供奉官郎公遠爲契丹歡好使五代月庚寅以供奉官郎公遠充契丹歡好使晉王遣都將李嗣昭李存審王建及率師來援同州戰于城下我師敗績諸將以餘衆冬十月母乙伏誅五代史冬十月陳退保華州羅文寨冬十月母乙伏誅州妖賊母乙董乙伏誅陳州里俗之人喜習左道依浮屠氏之教自立一宗號曰上乘不食葷茹誘化庸民糴糴穢宵聚晝散州縣因循遂致滋蔓時刺史惠王友能持威藩之寵動多不法故奸慝之徒望風影附母乙數輩漸及千人攻掠鄉社長吏不能詰是歲秋其衆益盛南通淮夷朝廷累發州兵討捕反爲賊所敗陳頴蔡三州大被其毒羣

賊乃立母乙為天子其餘豪首各有樹置至是發禁軍及數郡兵合勢追擊賊潰生擒母乙等首領八十餘人械送闕下並斬于都市五代春秋已卯五年正月晉人城德勝夾河為柵三月兗州張守進叛附于晉四月賀瓌帥師攻德勝南城不克八月王瓚帥師侵晉十月劉鄩克兗州誅張守進十二月王瓚及晉王戰于河曲敗績

龍德元年春趙將張文禮殺其君鎔來乞師不許原注

初為鎔養子號王德明此書張文禮者從舊史也五代史代史龍德元年春正月癸巳詔諸道入奏判官宜令御史臺點檢合從正衙退後便于中書門下公參辭謝如有違越具名衙門受勅牒後方可結入新衙門辰以河東狀申中書門下應接使前靜勝軍節度崇裕等州觀察處道行營西面應接使前靜勝軍節度崇裕等州觀察處置等使特進檢校太尉同平章事溫昭圖為匡國軍節度陳許蔡等州觀察處置等使以北面行營副招討使匡國軍節度陳許蔡等州觀察處置等使光祿大夫檢校太傅王彥章為宣義軍節度副大使知節度事鄭滑

濮等州觀察處置等使依前北面副招討使二月己未
以權知靜勝軍節度觀察留後前汝州防禦使華溫琪
爲靜勝軍節度觀察留後依前檢校太傅丙寅以荆南
節度使檢校太師兼中書令渤海郡王高季昌爲守中
書令依前荆南節度使庚午以晉州建寧軍節度觀察
留後劉玘爲晉州節度使檢校太保壬申史館上言伏
見北齊文士魏收著後魏書于時自魏太武之初至于
北齊書不獲就乃大徵百官家傳刊總斟酌隨條甄舉
搜訪遺亡數年之間勅爲一代典籍編在北史固非虛
言臣今請明下制勅內外百官及前資士子帝戚勲家
並各納家傳具述父祖事行源流及才術德業灼然可
考者並纂述送史館如記得前朝會昌已後公私亦任
抄錄送官皆須直書不用文藻兼以兵火之後簡牘罕
存應內外臣寮曾有奏行公事關涉制置或討論沿革
或章疏文詞有可採者並許編錄送納候史館脩撰之
日考其所上公事與中書門下文案事相符合或格言
正辭詢訪不謬者並與編載所冀忠臣名士共流家國
之耿光孝子順孫獲記祖先之丕烈而且周德見乎殷
紀舜典存乎禹功非唯十世可知庶成一朝大典臣叨
塵委任獲領監脩將贖素餐輒千元覽詔從之鹽鐵轉

運使敬翔奏請于雍州河陽徐州三處重置場院稅茶從之已卯禮部尚書充西都副留守兼判尚書省事崔沂奏西京都省凡有公事奏聞常須借印施行伏請鑄尚書省分司印一面從之是月鎮州大將王德明殺其帥王鎔自稱留後遣使來求援宰臣敬翔請許之租庸使趙巖等以爲不可乃止三月丁亥朔

禁私度僧尼陳州刺史惠王友能反五代史三月丁亥朔祠部員外郎李

樞上言請禁天下私度僧尼及不許妄求師號紫衣如願出家受戒者皆須赴闕比試藝業施行願歸俗者一聽自便詔曰兩都左右皆賜紫衣及師號僧委功德使其名聞奏今後有闕方得奏薦仍須道行精至夏臘高深方得補填每遇明聖節兩街皆各許官壇度七人諸道如要度僧亦仰就京官壇仍令祠部給牒今後只兩街置僧錄道錄僧正並廢已丑以前兵部郎中杜光義爲左諫議大夫致仕壬寅改襄州鄆縣爲沿夏縣亳州焦夷縣爲夷父縣密州漢諸縣爲夏州刺史惠王友能膠源縣從中書舍人馬縞請也夏州刺史惠王友能反舉兵向闕帝命將出師逆擊敗之友能走保陳州詔張漢傑率兵進討勅開封府太康襄邑雍邱三縣遭陳

州賊軍奔衝其夏五月丙戌朔德音改元降流罪已下
稅只據見苗輪納五代史五月丙戌朔制日朕聞惟辟動天惟聖時憲
囚故君爲善則天降之以福爲不善則降之以災朕以
眇末之身託于王公之上不能荷先帝艱難之運所以
致蒼生塗炭之危兵革薦興災害仍集內省厥咎蓋由
朕躬故北有大戎僭夏之師西有蒲同亂常之旅連年
戰伐積歲轉輸虔劉我士民侵據我郡邑師無宿飽之
饋家無擔石之儲而又水潦爲災蟲蝗作沴戒譴作于
上怨咨聞于下而況骨肉之內竊弄干戈畿甸之中輒
爲陵暴但責躬而罪已敢怨天以尤人蓋朕無德以事
上元無功以及兆庶不便于時者未能去有益于民者
未能行處事昧于酌中發令乖于至當招致災患引翼
禍殃罪在朕躬不敢自赦夙夜是懼寢食靡寧將勵已
以息災爰布澤而從欲今以薰風方扇旭日初升朔旣
視于正陽厯宜更于嘉號庶惟新之令敷華夏以同歡
期克念之心與皇王而合道其貞明七年宜改爲龍德
元年應天下見禁罪人除大辟罪外遞減一等德音到
後三日內疏理訖奏應欠貞明三年四年諸色殘欠五
年六年夏稅殘稅並放侍衛親軍及諸道行營將士等

第頒賜優賞已從別勅處分左降官與量移已經量移者與復資長流人各移近地已經移者許歸鄉里前資朝官寄寓遠方仰長吏津遣赴闕內外文武常參官節度使留後刺史父母亡歿者並與封贈公私債負納利及一倍已上者不得利上生利先經陣歿將校各與追贈云以宣和庫使守右領衛將軍李嚴權知兗州軍州事丁亥詔曰郊裡大禮舊有渥恩御殿改元比無賞給今則不循舊例別示特恩其行營將士賞資已給付本家宜令招討使霍彥威副招討使王彥章陳州行營都指揮使張漢傑曉示諸軍知委是月兗州節度使充河東道行營都招討使劉鄩卒六月己亥以都點檢諸司法物使檢校司徒行左驍衛大將軍李肅為右威衛上將軍秋赦友能降封房陵侯天平軍節度使戴思遠為北面行營招討使

五代史秋七月陳州朱友能降庚子詔曰朕君臨四海子育兆民唯持不黨之心庶叶無私之運其有齒予戚屬雖深敦叙之情干我國經難固含宏之旨須遵常憲以示至公特進檢校太傅使持節陳州刺史兼御史大夫上柱國食邑三千戶惠王友能列爵為王頒條治郡受元戎之寄任處千里

之封疆就進官資已登崇貴時加錫賚以表優隆宜切知恩合思盡節撫俗當申于仁政佐時期効于忠規而狎彼小人納其邪說忽稱兵而向闕敢越境以殘民侵犯郊畿驚撓輦轂遠邇咸嫉謀畫交陳及與問罪之師旋驗知非之狀瀝懇繼陳于章表束身願赴于闕庭備述艱危覲加寬恕朕得不自爲屈已姑務安仁特施賁法之恩蓋舉議親之律詢于事體抑有朝章止行退責之文用塞衆多之論可降封爵陵侯於戲君臣之體彼有不恭伯仲之恩予垂立愛顧茲輕典豈稱羣情凡在臣寮當體朕意甲辰制以特進檢校太傅衡王友諒可封嗣王冬十月思遠及晉人戰于戚城敗績五代史史冬十月廣王使戴思遠攻德勝塞之北城晉人來援思遠敗于戚城五代春秋辛巳龍德元年三月趙人張文禮弒其君鎔四月陳州友能反師圍陳州七月友能降赦之八月晉閻寶帥師討張文禮十月戴思遠帥師侵晉攻德勝北城晉王救德勝思遠及晉王戰于戚城思遠師敗績定州王處直爲其子都所廢二年春正月思遠襲魏州取成安五代史龍德二年春正月戴思遠率師襲

魏州時晉王方攻鎮州故思遠乘虛以襲之陷成安而思遠遂急攻德勝北城晉將李存審極力拒守二月晉王以兵至思遠收軍而退復保楊村秋八月滑州兵馬留後段凝攻衛州

執其刺史李存儒戴思遠克淇門共城新鄉五代史八月段凝張

朗攻衛州下之獲刺史李存儒以獻戴思遠又下淇門共城新鄉等三縣自是澶州之西相州之南皆為梁有

晉人失軍儲三分之一焉五代春秋壬午二年正月

戴思遠侵晉取成安遂攻德勝北城晉王敗契丹于新城二月晉王救德勝思遠退師八月段凝帥師攻晉衛州克之晉李存審克鎮州誅張文禮

三年春三月潞州李繼韜叛于晉來附五代史龍德三年春三月晉潞

州節度留後李繼韜遣使以城歸順先是繼韜父嗣昭為潞州節度使戰歿于鎮州城下晉王欲以嗣昭長子

繼儔襲父位繼韜在潞州即執繼儔囚之遣使來送欵仍以二幼子為質澤州刺史裴約不從繼韜之謀帝命

董璋為澤州刺史夏五代史夏四月己巳晉王即唐帝位史令將兵救之于魏州改天祐十二年為同光元年

閏四月唐人取鄆州

原注晉未卽位已自與梁爲敵國至其建號于梁無所利害故不書

唐建號而書唐人者因事而見爾

五代史閏月王寅唐軍襲鄆州陷之巡檢使前陳州刺史劉遂嚴本州都

指揮使燕頤奔歸京師皆斬于都市

五月庚申宣義軍節度使王彥章爲

北面行營招討使取德勝南城

五代史五月以滑州節度使王彥章爲北面行

營招討使辛酉王彥章率舟師自楊村寨浮河而下斷德勝之浮梁攻南城下之殺數千人唐帝棄德勝之北

城併軍保楊劉已已王彥章段凝圍楊劉城六月乙亥唐帝引軍援楊劉潛軍至博州築壘于河東岸戊子王

彥章杜晏球率兵急攻博州秋五代史秋七月丁未唐之新壘不克遂退保于鄒口秋帝引軍沿河而南王彥

章棄鄒口復至楊劉已未自楊劉拔營退保楊村寨

八月段凝爲北面行營招討

使先鋒將康延孝叛降于唐

五代史八月以段凝代王彥章爲北面行營招討使

戊子段凝營于王村引軍自高陵渡河復臨河而還董璋攻澤州下之庚寅唐帝軍于胡城先鋒將康延孝率

百騎奔于唐盡洩其軍機命滑州節度使王彥章率兵屯守鄆之東境九月戊辰彥章以衆渡汶與唐軍遇于遞坊鎮彥章不利退保中都冬十月甲戌宣義軍節度使王彥章及

唐人戰于中都敗績死之原注凡官皆不重書此書者嫌彥章已罷招討使而與唐

戰蓋罷使而別唐人取曹州盜竊傳國寶奔于唐五代史冬

將兵以戰也十月辛未朔日有食之甲戌唐帝引師襲中都王彥章

兵潰于是彥章與監軍張漢傑及趙廷隱劉嗣彬李知節康文通王山興等皆爲唐人所獲翼日彥章死于任

城帝聞中都之敗唐軍長驅將至遣張漢倫馳驛召段凝于河上漢倫墜馬傷足復限水潦不能進時禁軍尙

有四千人朱珪請以拒唐軍帝不從登建國門召開封尹王瓚謂之曰段凝未至社稷繫卿方畧瓚卽驅軍民

登城爲備或勸帝西奔洛陽趙巖曰勢已如是一下此樓誰心可保乃止俄報曰晉軍過曹州矣帝置傳國

寶于卧內俄失其所在已爲左右所盜竊迎唐帝矣戊寅皇帝崩原注年梁亡原注書曰梁亡見唐莊宗之立

原注年三十六

速也四月莊宗立稱唐十月梁

始亡見唐不待滅梁而立 五代史帝召控鶴都將皇甫麟謂之曰吾與晉人世讐不可俟彼彼刀鋸卿可盡我命無令落讐人之手麟不忍帝曰卿不忍將賣我耶麟舉刀將自剄帝持之因相對大慟戊寅夕麟進刃于建國樓之廊下帝崩麟卽時自剄遲明唐軍攻封邱門王瓚迎降唐帝入宮妃郭氏號泣迎拜初許州獻綠毛龜宮中造室以蓄之命曰龜堂帝嘗市珠于市旣而曰珠數足矣衆皆以爲不祥之言帝末年改名瑱字一十一十月一八日果以十一月十一年至十月九日亡唐帝初入東京聞帝殂慟然歎曰敵惠敵怨不在後嗣朕與梁主十年對壘恨不生見其面尋詔河南尹張全義收葬之其首藏于太社晉天福二年五月詔太社先藏唐朝罪人首級許親屬及舊寮收葬時右衛上將軍婁繼英請之會繼英得罪乃詔左衛上將軍安崇阮收葬焉史臣曰末帝仁而無武明不照姦上將軍安崇阮收葬焉史臣弄權之臣爲輔卒使勁敵奄至大運俄終雖天命之有歸亦人謀之所誤也惜哉 五代會要龍德三年十月八日唐兵入汴州爲控鶴將皇甫麟弑于建國樓之廊下年三十六後唐同光元年十月追降爲庶人莊宗入汴州詔全義收罪人首骨藏于太社至晉天福二年安

崇阮收葬之年號三自乾化三年至五年改貞明貞明
六年改龍德龍德盡二年宰相八人姚洎于兢楊涉趙
光逢鄭珏蕭頊敬翔李琪使相三十二人錢鏐馬殷張
全義馬賓葉廣畧龐巨昭楊師厚牛存節王檀劉巖張
歸霸高萬興朱友謙劉鄩高季興王審知溫韜葛從周
賀德倫錢傳璟賀瓌孔勅張萬進尹皓李繼韜馬綽杜
建徽袁象先李仁福康懷英韓洙曲美五代春秋癸
未三年三月潞州李繼韜以地來附四月晉人來取郭
州五月王彥章帥師侵晉攻德勝南城克之晉師棄德
勝北城保楊劉王彥章圍楊劉不克八月段凝帥師侵
晉十月辛未朔日有食之晉王來襲中都王彥章師敗
于中都彥章歿于師晉師迫京師戊寅帝崩于建國樓
下

五代史記卷第三

五代史記卷第四

廬陵歐陽脩撰

徐無黨原注

南昌彭元瑞注

劉鳳誥排次

唐本紀第四

莊宗光聖神閔孝皇帝

五代會要後唐莊宗光聖神閔孝皇帝姓李氏諱存勗追冊武

皇帝長子母曰貞簡皇后曹氏唐光啟元年十月二十二日生於晉陽宮以其日爲萬壽節其先本

號朱邪蓋出于西突厥至其後世別自號曰沙陀而以朱邪爲姓唐德宗時有朱邪盡忠者居于北庭之金滿州貞元中吐蕃贊普攻陷北庭徙盡忠于甘州而役屬之其後贊普爲回鶻所敗盡忠與其子執宜東走贊普

怒追之及于石門關盡忠戰死執宜獨走歸唐居之鹽州以隸河西節度使范希朝希朝徙鎮太原執宜從之居之定襄神武川之新城其部落萬騎皆驍勇善騎射號沙陀軍執宜死其子曰赤心懿宗咸通十年神策大將軍康承訓統十八將討龐勛于徐州以朱邪赤心爲太原行營招討沙陀三部落軍使以從破勛功拜單于大都護振武軍節度使賜姓名曰李國昌以之屬籍唐會要咸通元年敕沙陀首領朱邪赤心賜姓李氏沙陀素名國昌籍系鄭王房以討平徐州叛卒龐勛功強而國昌恃功益橫恣懿宗患之十三年徙國昌雲州刺史大同軍防禦使國昌稱疾拒命國昌子克用尤善

騎射能仰中雙鳬為雲州守捉使五代史太祖武皇帝

其先隴右金城人也始祖拔野唐貞觀中為墨離軍使

從太宗討高麗薛延陀諸部有功為金方道副都護因家于

瓜州太宗平薛延陀諸部于安西北庭置都護屬之分

同羅僕骨之人置沙陀都督府蓋北庭有磧曰沙陀故

因以為名焉永徽中以拔野為都督其後子孫五世相

承曾祖盡忠貞元中繼為沙陀府都督而為吐蕃所陷

乃舉其族七千帳徙于甘肅州盡忠尋率部眾三萬東奔

俄而吐蕃追兵大至盡忠戰歿祖執宜即盡忠之長子

也收合餘眾至于靈州德宗命為陰山府都督元和初

入為金吾將軍遷蔚州刺史代北行營招撫使莊宗即

位追諡為昭烈皇帝廟號懿祖烈考國昌本名赤心唐

朔州刺史咸通中討龐勛有功入為金吾上將軍賜姓

李氏名國昌仍係鄭王房出為振武節度使尋為吐渾

所襲退保于神武川及武皇鎮太原表為代北軍節度

使中和三年薨莊宗即位追諡為文皇廟號獻祖武皇

即獻祖之第三子也母秦氏以大中十年丙子歲九月

二十二日生于神武川之新城在姪十三年載誕之際

母艱危者竟夕族人憂駭市藥于雁門遇神叟告曰非

巫醫所及可馳歸盡率部人披甲持旄擊鉦鼓躍馬大
噪環所居三周而止族人如其教果無恙而生是時虹
光燭室白氣充庭井水暴溢武皇始言喜軍中語鄙
善騎射與儕類馳騁嬉戲必出其右年十三見雙鳬翔
于空射之連中衆皆臣伏新城北有毗沙天王祠祠前
井一日沸溢武皇因持卮酒而奠曰予有尊主濟民之
志無何井溢故未察其禍福惟天王若有神奇可與僕
交談奠酒未已有神人被金甲持戈隱然出于壁間見
者大驚走惟武皇從容而退由是益自負獻祖之討龐
勛也武皇年十五從征摧鋒陷陣出諸將之右軍中日
爲飛虎子賊平獻祖授振武節度使武皇爲雲中牙將
嘗在雲中宿于別館擁妓醉寢有俠兒持刀欲害武皇
及突入曲室但見烈火熾赫于帳中俠兒駭異而退又
嘗與達靼部人角勝達靼指雙鵬于空曰公能一發中
否武皇卽彎弧發矢連貫雙鵬邊人拜伏及壯爲雲中
守捉使事防禦使支謨與同列晨夕解舍因戲升郡閣
踞謨之座謨亦不敢詰北夢瑱言河東李克用其先
同紇部人世爲蕃中大酋受唐朝官職太宗於北方沙
陀磧立沙陁府以招集降戶後克用祖朱耶執宜與其
父曾依吐蕃背吐蕃歸朝德宗於鹽州置陰山府以執

宜爲都督後遷於神武川黃花堆之別墅卽今應州是也執宜生赤心以討徐州龐助功賜國姓并名號李國昌懿宗問其先世所出云本隴西金城人依寓吐蕃帝曰我先與汝同鄉里敕令編籍鄭王房始爲雲州大同軍節度次授鄜延振武代北三節度其姪克讓爲羽林將軍其子克用最聞名以破黃巢功爲太原節度使子存勗平梁蜀奄有中原追尊執宜號懿祖國昌號獻祖克用號太祖皇帝太祖在姪十三月載誕之夕母后甚危令族人市藥於雁門遇神人教以率部人被介持旄擊鉦鼓躍馬大噪環所居三周而止果如所教而生是日紅光燭室白氣充庭井水暴溢及能言喜道軍旅年十二三能連射雙鳥至於樹葉針鋒馬鞭皆能中之曾於新城北以酒酌雙毗沙門塑像請與僕立談天王被甲持矛隱隱出於壁間或所居帳內時如火聚如有龍形人皆異之嘗隨獻祖征龐助軍陣出沒如神號爲飛虎子眇一目時號獨眼龍功業磊落不可盡述或云眇也

國昌已拒命克用乃殺大同軍防禦使段文楚據雲州

自稱留後唐以太僕卿盧簡方爲振武節度使會幽并

兵討之簡方行至鳳州軍潰由是沙陀侵掠代北爲邊

患矣

五代史乾符三年朝廷以段文楚爲代北水陸發運雲州防禦使時歲薦飢文楚稍削軍食諸軍咸

怨武皇爲雲中防邊督將部下爭訴以軍食不充邊校

程懷素王行審蓋寓李存璋薛鐵山康君立等卽擁武

皇入雲州衆且萬人營于關維臺城中械文楚出以應

于外諸將列狀以聞請授武皇旄鉞朝廷不允徵諸道

兵以明年僖宗卽位以謂前太原節度使李業遇沙陀

討之

有恩而業已死乃以其子鈞爲靈武節度使宣慰沙陀

六州三部落使

原注六州三部落皆不見其名處據唐書除使有此語爾

以招輯之

拜克用大同軍防禦使居久之國昌出擊党項吐渾赫

連鐸襲破振武克用聞之自雲州往迎國昌而雲州人

亦閉關拒之國昌父子無所歸因掠蔚朔間得兵三千

國昌入保蔚州克用還據新城僖宗乃拜鐸大同軍使

以李鈞為代北招討使以討沙陀五代史史乾符五年黃巢渡江其勢滋蔓

子乃悟其事以武皇為大同軍節度使檢校工部尚書

冬獻祖出師討党項吐渾赫連鐸乘虛陷振武舉族為

吐渾所擄武皇至定邊軍迎獻祖歸雲州雲州守將拒

關不納武皇畧蔚朔之地得三千人屯神武川之新城

赫連鐸晝夜攻圍武皇昆弟三人四面應賊俄而獻祖

自蔚州引軍至吐渾退走自是軍勢復振天子以赫連

鐸為大同軍節度使乾符五年沙陀破遮虜軍又破哥

仍命進軍以討武皇

嵐軍而唐兵數敗沙陀由此益熾北據蔚朔南侵忻代

嵐石至于太谷焉五代史史乾符六年春朝廷以昭義節度使李鈞充北面招討使將太原之

師過石嶺關屯于代州與幽州李可舉會赫連鐸同攻

蔚州獻祖以一軍禦之武皇以一軍南抵遮虜城以拒

李鈞是冬大雪弓弩折南軍苦寒臨戰大敗奔歸代

州李鈞中流矢而卒通鑑考異趙鳳後唐太祖紀年

錄曰乾符三年河南水災盜寇蜂起朝廷以段文楚爲
代北水陸發運雲州防禦使以代支謨時歲薦饑文楚
削軍人衣米諸軍咸怨太祖爲雲中防邊督將部下爭
訴以軍食不充請具聞奏邊校程懷信康君立等十餘
帳日譁於太祖之門請共除虐帥以謝邊人衆因大
擁太祖上馬比及雲中衆且萬人城中械文楚出以應
太祖後唐閔帝史官張昭遠撰莊宗功臣列傳曰康君
立爲雲中牙校事防禦使段文楚時天下將亂代北仍
歲阻饑諸部豪傑咸有嘯聚邀功之志文楚法令稍峻
軍食轉餉不給戍兵咨怨雲州沙陀兵馬使李盡忠私
謂君立等曰段公儒者難與共事方今四方雲擾皇威
不振丈夫不能於此時立功立事非人豪也吾等雖擁
部衆然以雄勁聞於時者莫若李振武父子官高功大
勇冠諸軍吾等合勢推之則代北之地旬月可定功名
富貴事無不濟也時武皇爲沙陀三部落副兵馬使在
蔚州盡忠令君立私往圖之曰方今天下大亂天子付
將臣以邊事歲偶饑荒便削儲給我等邊人焉能守死
公家父子素以威惠及五部當共除虐帥以謝邊人武
皇曰予家尊在振武萬一相逼俟子稟命君立曰事機
已洩遲則變生成通十三年十二月盡忠夜帥牙兵攻

牙城執文楚及判官柳漢璋陳韜等繫之於獄遂自知
軍州事遣君立召太祖於蔚州是月太祖與吐渾突厥
三部落衆萬人趨雲中十四年正月六日至關雞臺盡
忠遣監軍判官符印請太祖知留後事七日至關雞臺盡
楚漢璋等五人送關雞臺軍人亂食其肉九日太祖權
知留後府牙受上三軍表請授太祖大同防禦使懿宗
不悅時已除盧簡方代文楚未至而文楚被害實錄乾
符元年十二月李克用殺大同軍防禦使段文楚自稱
防禦留後塞下之亂自茲始矣又唐末三朝聞見錄
者不著撰人姓名專記晉陽事其書云乾符五年戊戌
寶泝自前守京兆尹拜河東節度使在任便值大同軍
變殺防禦使段文楚正月二十六日軍於石窯二十七
日到白泊二十九日至靜邊軍三十日築郤四面城門
二月一日在城將士三人共賞絹一疋監軍使差仇判
官間奏李盡忠等准詔各賞馬一匹銀鞍轡一副銀三
錠銀碗一枚絹一束錦二疋紫羅三疋諸軍將銀碗絹
等三日李盡忠郤入四日兩面馬步五萬餘入城四面
下營五日又賞土團牛酒六日監軍使送牌印與李九
郎七日城南門樓上繫縛下段尙書柳漢璋雍侍御陳
韜等四人尋分付軍兵於關雞臺西剛郤又令馬軍踐

踏卻骸骨八日李九郎被土團馬步軍約一千人持弓刀送上與舊紀五年事微合實錄亦頗采之云五年正月壬戌竇滸奏沙陀首領李盡忠寇石窯白泊至靜邊軍二月奏李盡忠求賞詔賞馬一匹銀鞍勒綿絹等按莊宗列傳舊紀克用殺文楚在咸通十三年十二月歐陽脩五代史記取之太祖紀年錄在乾符三年薛居正五代史新沙陀傳取之見聞錄在乾符五年二月新紀取之惟實錄在乾符元年不知其所據何書也克用既殺文楚豈肯晏然安處必更侵擾邊陲朝廷亦須發兵征討而自乾符四年以前皆不見其事唐末見聞錄敘從之今廣明元年招討使李涿會幽州李可舉雲州赫

連鐸擊沙陀克用與可舉相拒雄武軍其叔父友金以蔚朔州降于涿克用聞之遽還可舉追至藥兒嶺大敗之涿軍夾擊又敗之于蔚州沙陀大潰克用父子亾入達鞠五代史廣明元年春天子復命元帥李涿率兵數萬屯代州武皇令軍使傅文達起兵于蔚州朔州

刺史高文集與薛葛安慶等部將縛文達送于李涿六月李涿引大軍攻蔚州獻祖戰不利乃率其族奔于達部韋克用少驍勇軍中號曰李鷗兒其一目眇及其貴也

又號獨眼龍

五代史補太祖武皇本朱耶赤心之後沙陀部人也其先生於鵬窠中酋長以其異

生諸族傳養之遂以諸翁爲氏言非一父所養也其後言訛以諸翁爲朱以翁爲耶至太祖生眇一目長而驍勇善騎射所向無敵時謂之獨眼龍大爲部落所疾太祖恐禍及遂舉族歸唐授雲州刺史賜姓李名克用黃巢犯長安自北引兵赴難功成遂拜太原節度使封晉王又武皇之有河東也威聲大振淮南楊行密常恨不識其狀貌因使畫工詐爲商賈往河東寫之畫工到未幾人有知其謀者擒之武皇初甚怒旣而親謂曰且吾素眇一目試召亟使寫之觀其所爲如何及至武皇按膝厲聲曰淮南使汝來寫吾真必畫工之尤也寫吾不及十分卽階下便是死汝之所矣畫工再拜下筆時方盛暑武皇執八角扇因寫扇角半遮其面武皇曰汝諂吾也遽使別寫之又應聲下筆畫其臂弓撚箭之狀仍微合一目以觀箭之曲直武皇大喜因厚賂金帛遣之

五代史闕文武皇眇一目謂之獨眼龍性喜殺左右小有過失必置於死初諱眇人無敢犯者常令寫真畫工卽爲撚箭之狀微瞋一目圖其威名蓋于代北其在成而進武皇大悅賜予甚厚

達靼久之鬱鬱不得志又常懼其圖已因時時從其羣

豪射獵或掛針于木或立馬鞭百步射之輒中羣豪皆

服以爲神

五代史居數月吐渾赫連鐸密遣人賂達靼以離間獻祖旣而漸生猜阻武皇知之每召

其豪右射獵于野或與之百步馳射馬鞭或以懸針樹葉爲的中之如神由是部人心伏不敢竊發黃巢

已陷京師

五代史俄而黃巢自江淮北渡武皇推牛饌酒饗其酋首酒酣論之曰子父子爲賊臣譏

間報國無由今聞黃巢北犯江淮必爲中原之患一日天子赦宥有詔徵兵僕與公等南向而定天下是予心

也人生世間光景幾何曷能終老沙堆中哉公等勉之達靼知無留意皆釋然無間是歲十一月黃巢寇潼關

天子令河東監軍陳景思爲代北起軍使收兵破賊十二月黃巢犯長安僖宗幸蜀陳景思與李友金發沙陀

諸部五千騎南赴京師中和元年代北起軍使陳景思友金卽武皇之族父也

發沙陀先所降者與吐渾安慶等萬人赴京師行至絳

州沙陀軍亂大掠而還景思念沙陀非克用不可將乃

以詔書召克用于達靼五代史中和元年二月友金軍至絳州將渡河刺史瞿稹謂陳

景思曰巢賊方盛不如且還代北徐圖利害四月友金旋軍雁門瞿稹至代州半月之間募兵三萬營于崞縣

之西其軍皆北邊五部之衆不閑軍法瞿稹李友金不能制友金謂景思曰與大衆成大事當威名素著則可

以伏人今軍雖數萬苟無善帥進亦無功吾兄李司徒父子去歲獲罪于國家今寄北部雄武之畧爲衆所推

若驃騎急奏召還代北之人一麾響應則妖賊不足平也景思然之促奏行在天子乃以武皇爲雁門節度使

仍令以本軍討賊李友金發承制以爲代州刺史雁門五百騎齎詔召武皇于達靼

以北行營節度使率蕃漢萬人出石嶺關過太原求發

軍錢節度使鄭從讜與之錢千緡米千石克用怒縱兵

大掠而還

五代史武皇卽率達靱諸部萬人趨雁門五

石嶺關武皇乃引軍出他道至太原城下會大雨班師

于雁門平巢事蹟考李友金入援至絳州刺史瞿璜

謂曰賊勢方盛未可輕進乃俱還代州募兵得三萬人

皆北方雜虜屯於崞西獷悍暴橫與友金不能制友

金誠監軍陳景思曰吾兄司徒父子勇畧過人爲衆所

服請奏天子赦其罪召以爲帥則代北之人一麾響應

賊不足平也景思遣使言之詔如所請友金以五百騎

迎之克用率達靱諸部萬人應之又黃巢兵勢尙強

復光曰李僕射驍勇有強兵素有徇國之忠所以不來

者以與河東結隙爾若以朝旨喻鄭公而召之必來來

則賊不足平矣時王鐸在河中乃以墨敕召克用喻從

讜克用遂將沙陀萬七千人趨河中不敢入河東境獨

以數百騎過晉陽城下別從讜厚贈之十二月以克用

爲雁門節度使通鑑考異實錄陳景思齎詔入達靱

召李克用軍屯蔚州克用

二年十一月景思克用復以

因大掠雁門以北軍鎮

步騎萬七千赴京師

五代史中和二年八月獻祖自達

折代蔚朔達鞏之軍三萬五千騎赴難于京師先移檄太原鄭從讜拒關不納武皇以兵擊之進軍至城下遣人齎幣馬遺從讜從讜亦遣人饋武皇貨幣獲餽軍器武皇南去自陰地趨晉絳十二月武皇至河中

年正月至于河中進屯乾坑巢黨驚曰鷗兒軍至矣二

月敗巢將黃鄴于石隄谷三月又敗趙璋尙讓于良田

坡橫尸三十里是時諸鎮兵皆會長安大戰渭橋賊敗

走入城克用乘勝追之自光泰門先入戰望春宮昇陽

殿巢敗南走出藍田關京師平

五代史中和三年正月晉國公王鐸承制授武

皇東北面行營都統武皇令其弟克修領前鋒五百騎渡河視賊黃巢遣將米重威齎重賂及偽詔以賜武皇武皇納其賂以給諸將燔其偽詔是時諸道勤王之師雲集京畿然以賊勢尙熾未敢爭鋒及武皇將至賊帥

相謂曰鴟兒軍至當避其鋒武皇以兵自夏陽濟河二月營于乾坑黃巢大將尙讓林言王璠趙璋等引軍十五萬屯于梁田陂翼日大軍合戰自午及晡巢賊大敗是夜賊衆遁據華州武皇進軍圍之巢弟黃鄴黃揆固守三月尙讓引大軍赴援武皇率兵萬餘逆戰于零口巢軍大敗武皇進軍渭橋翌日黃揆棄華州而遁王鐸承制授武皇雁門節度使檢校尙書左僕射四月黃巢燔長安收其餘衆東走藍關武皇進收京師通鑑考異實錄甲辰李克用與忠武將龐從河中將白志遷橫野將滿存朝邑將康思貞三敗賊於渭橋大破之義成義武等軍繼進乙巳巢賊燔長安宮室收餘衆自光泰門東走由藍田關以遁諸軍進取京師又唐補紀楊復光行營節度使王重榮李克用等兵士二萬餘人自光泰門入襲逐至昇陽殿下殺賊盈萬黃巢軍敗陣上奔逃取藍田關出平巢事蹟考克用將軍四萬皆衣黑賊憚曰鴟軍至矣當避其鋒三年正月李克用敗賊將黃揆於沙苑王鐸以克用爲東北面行營都統又巢兵數敗食盡陰爲遁計發兵三萬控藍田道遣尙讓救華陰李克用及王重榮引兵逆戰破之克用進軍渭橋每夜令其將薛忠勤康君立潛入長安焚積穀斬虜

而還賊中大驚李克用復敗尙讓於零口遂取華州五月克用與忠武將龐從河中將白志遷等引兵先進與巢軍戰於渭南一日三捷義成義武等軍繼之賊衆大奔克用等入京師巢焚宮室遁去多遺珍重於路官軍爭取之不急追賊遂逸去詔克用同平章事克用時年二十八入於諸將最少而兵勢最強功居第一諸將皆畏之一目微眇視之人謂之獨眼龍

克用功第一天子拜克用檢校司空

同中書門下平章事

河東節度使以國昌爲雁門以北

行營節度使

五代史七月天子授武皇金紫光祿大夫檢校左僕射河東節度使是時武皇旣收

長安軍勢甚雄諸侯之師皆畏之武皇一日微眇故其時號爲獨眼龍是月武皇仗節赴鎮遣使報鄭從謹治裝歸朝武皇次于郊外因往赴雁門寧觀獻祖八月自雁門赴鎮河東時年二十有八通鑑考異唐末見聞錄五月敕除李尙書雁門節度使六月二十五日雁門節度使李僕射般次於府東路過六月內有除日到相公除替赴闕鴈門節度李相公除河東節度使十五日相公取西明門進發當月內新使李相公有勝示安撫

在城軍人百姓曰無十月國昌卒通鑑考異薛居正五

懷舊念各仰安家代史武皇紀國昌中

和三年薨唐末見開錄中和三年十月老司徒薨舊書

中和三年十月國昌卒後唐獻祖紀年錄光啟中薨於

位新沙陀傳光啟三年國昌卒太祖紀年錄光啟三年

正月云是歲獻祖文皇帝之喪太祖哀毀行服不獲專

征實錄置此年十一月遣其弟克脩攻昭義孟方立取

其澤潞二州方立走山東以邢洛磁三州自別為昭義

軍原注昭義軍在唐時跨山東西管五州至是澤潞入

于晉邢洛磁孟氏據之故當時有兩昭義五代史

十一月平潞州表其弟克脩為昭義節度使潞帥孟方

立退保于邢州通鑑考異實錄克脩用表李克脩為節

度使於是分昭義黃巢南走至蔡州降秦宗權遂攻陳

軍五州為二鎮黃巢南走至蔡州降秦宗權遂攻陳

州五代史十二月許帥田從異汴帥朱溫徐帥時溥陳

州刺史趙犇各遣使來告以巢蔡合從凶鋒尚熾請

武皇共四年克用以兵五萬救陳州出天井關假道河

力討賊

陽諸葛爽不許乃自河中渡河四月敗尙讓于太康又
敗黃鄴于西華巢且走且戰至中牟臨河未渡而克用
追及之賊衆驚潰北至封邱又敗之巢脫身走克用追
之一日夜馳二百里至于冤胸不及而還五代史中和四年春武皇
率蕃漢之師五萬自澤潞將下天井關河陽節度使諸
葛爽辭以河橋不完乃屯兵于萬善數日移軍自河中
南渡趨汝洛四月合徐汴之師破尙讓于太康斬獲萬
計進攻賊于西華賊將黃鄴棄營而遁是夜大雨巢營
中驚亂乃棄西華之壘退營陳州北故陽里五月癸亥
大雨震電平地水深數尺賊營爲水所漂而潰戊辰武
皇引軍營于中牟大破賊于王滿渡庚午巢賊大至濟
汴而北是夜復大雨賊衆驚潰武皇營于鄭州賊衆分
寇汴境武皇渡汴遇賊將渡而南半濟擊之大敗之臨
陣斬賊將李周王濟安陽景彪等是夜賊大敗殘衆保
于胙縣冤句大軍躡之巢乃携妻子兄過汴州休軍封
弟千餘人東走武皇追賊至于曹州

禪寺朱全忠饗克用于上源驛

玉照新志陳橋驛在京師陳橋封邱二門之間

唐爲上元驛朱全忠縱火欲害李克用之所

夜酒罷克用醉卧伏兵發火起

侍者郭景銖滅燭匿克用牀下以水醒面而告以難會

天大雨滅火克用得從者薛鐵山賀回鶻等隨電光縋

尉氏門出還軍中七月至于太原訟其事于京師請加

兵于汴遣弟克修將兵萬人屯于河中以待僖宗和解

之

五代史是月班師過汴汴帥迎勞于封禪寺請武皇

上源驛是夜張樂陳宴席汴帥自佐饗出珍幣侑勸武

皇酒酣戲諸侍妓與汴帥握手敘破賊事以爲樂汴帥

素忌武皇乃與其將楊彥洪密謀竊發彥洪于巷陌連

車樹柵以扼奔竄之路時武皇之從官皆醉俄而伏兵

竊發來攻傳舍武皇方大醉譟聲動地從官十餘人擐

賊侍人郭景銖滅燭扶武皇以茵幕裹之匿于牀下以

水灑面徐曰汴帥謀害司空武皇方張目而起引弓抗賊有頃烟火四合復大雨震電武皇得從者薛鐵山賀同鵲等數人而去雨水如澍不辨人物隨電光登尉氏門鎭城而出得還本營監軍陳景思大將史敬思並遇害武皇旣還營與劉夫人相向慟哭詰旦欲勒軍攻汴夫人曰司空比爲國家討賊赴東諸侯之急雖汴人謀害乃有朝廷論列若反戈攻城則曲在我也人得以爲辭乃收軍而去馳檄于汴帥汴帥報曰竊發之夜非僕本心是朝廷遣天使與牙將楊彥洪同謀也武皇自武牢關西趨蒲陝而旋秋七月至太原武皇自以累立大功爲汴帥怨國陷沒諸將乃上章申理及武皇表至朝廷大恐遣內臣宣諭平巢事蹟考四年四月周岌時溥朱全忠以黃巢兵尙強求救於李克用克用將蕃漢兵五萬救之巢圍陳州幾三百日趙犂兄弟大小數百戰雖兵食將盡而衆心益固克用會許汴徐兗之軍於陳州攻尙讓拔之巢懼五月大雨平地三尺巢營爲水所漂且聞克用至遂引兵東北趨汴州至尉氏尙讓以驍騎五千進逼大梁全忠復告急於克用克用追之及於中牟北至蒲渡乘其半渡奮擊大破之斬萬餘人賊遂潰尙讓率其衆降巢踰汴而北克用追擊之於封邱

又破之巢收餘衆近千人東奔兖州克用追至冤句騎
能屬者纔數百人晝夜行二百餘里以糧盡還汴州欲
裹糧復追之獲巢幼子及乘輿服器符印得所掠男女
萬餘人皆縱遣之克用至汴州朱全忠襲之走還晉陽
用破巢功封克用隴西郡王五代史尋加守太傅光啟
元年五代史光啟元年三月幽州李可舉鎮州王景崇
大將康君立安老薛可郭啜率兵赴之五月鎮人攻無
極武皇親領兵救之鎮人退保新城武皇攻之斬首萬
餘級獲馬千匹王處存亦敗燕軍于易州李克用北
嶽題名河東節度使檢校太保同中書門下平章事隴
西郡王李克用以幽鎮侵擾中山領蕃漢步騎五十萬
衆親來救援與易定司空同申祈禱翌日過常山問罪
時中和五年二月廿一日克用記易定節度使檢校司
空王處存看題至三月十七日以幽州請就和斷遂卻
班師再謁時容兼申寶謝便取飛狐路卻歸河東廿一
日克用重記夢溪筆談北岳常山之岑謂之大茂山
者是也半屬契丹以大茂山分脊爲界岳祠舊在山下
石晉之後稍遷近裏今其地謂之神棚今祠乃在曲陽

祠北有望岳亭新晴氣清則望見大茂祠中多唐人故
碑殿前一亭中有李克用題名云太原河東節度使李
克用親領步騎五十萬問罪幽陵回師自飛狐路卽歸
鴈門今飛狐路在大茂之西自銀冶寨北出倒馬關度
虜界卻自石門子冷水鋪入瓶形梅回兩寨之間至代
州今此路已不通唯北寨西出承天關可至河東然路
極峭狹太平興國中車駕自太原移河中王重榮與宦
幸常山乃由土門路至今有行宮

者田令孜有隙徙重榮充州以定州王處存爲河中節

度使詔克用以兵護處存之鎮

原注克用不僭號故不稱王焉

重榮使

人給克用曰天子詔重榮俟克用至與處存共誅之因

僞爲詔書示克用曰此朱全忠之謀也克用信之八上

表請討全忠僖宗不許克用大怒重榮旣不肯徙僖宗

遣邠州朱玫鳳翔李昌符討之克用反以兵助重榮敗

攻于沙苑遂犯京師縱火大掠天子出居于興元克用
退屯河中朱玫亦反以兵追天子不及得襄王煚迫之
稱帝屯于鳳翔僖宗念獨克用可以破玫而不能使也
當破黃巢長安時天下兵馬都監楊復恭與克用善乃
遣諫議大夫劉崇望以詔書召克用且道復恭意使進
兵討玫等克用陽諾而不行五代史十一月河中王重
朱玫鳳翔李符將加兵于已初武皇與汴人構怨前後
入表請削奪汴帥官爵自以本軍進討天子累遣內臣
楊復恭宣旨令且全大體武皇不時奉詔天子頗有汴
帥時觀軍容使出令孜君側擅權惡王重榮與武皇膠
固將離其勢乃移重榮于定州重榮告于武皇武皇上
章言李符朱玫挾邪忌正黨庇朱溫臣已點檢蕃漢軍
五萬取來年渡河先斬朱玫李符然後平溫朱溫天子
覽表遣使譬喻百端輒傳相望既而朱玫引邠鳳之師

攻河中王重榮出師拒戰朱玫軍于沙苑對壘月餘十
二月武皇引軍渡河與朱玫決戰玫大敗收軍夜遁入
于京師時京城大駭天子幸鳳翔武皇退軍于河中光
啟二年正月僖宗駐蹕于寶雞武皇自河中遣使上章
請車駕還京且言大軍止誅凶黨時田令孜請僖宗南
幸興元武皇遂班師朱玫于鳳翔立嗣襄王煊為帝以
偽詔賜武皇武皇燔之械其使馳檄諸方鎮遣來使奉
表于行在九月武皇遣昭義節度使李克脩討孟方立
于邢州大敗方立之衆于焦岡斬首數千級以大將安
金俊為邢州刺史以撫其降人十月進攻邢州邢人出
戰又敗之孟方立求援于鎮州鎮人出兵三萬以援方
立克脩班師光啟三年六月河中節度使王重榮為部
將常行儒所殺武皇表重榮兄重盈為帥七月武皇以
安金俊為澤州刺史時張全義白河陽據澤州及李罕
之以收復河陽召全義令守洛陽全義乃棄澤州而去故
以金俊守之文德元年二月僖宗自興元還京三月僖
宗崩昭宗即位以武皇為開府儀同三司檢校太師兼
侍中隴西郡王食邑七千戶食實封二百戶河南尹張
全義潛兵夜襲李罕之于河陽城陷舉族為全義所擄
罕之踰垣獲免來歸于武皇遣李存孝薛阿檀史儼兒

安金俊安休休將七千騎送罕之至河陽汴將丁會牛
存節葛從周將兵赴援李存孝率精騎逆戰于溫縣汴
人既阨太行之路存孝殿軍而退騎將安休休以戰不
利奔于蔡武皇以罕之爲澤州刺史遙領河陽節度使
十月邢州孟方立遣大將奚忠信將兵三萬寇遼州武
皇大破之斬首萬級生擒奚忠信通鑑考異太祖紀
年錄朱玫李昌符每連衡入覲於天子指陳利害規畫
方畧不佑太祖黨庇逆溫太祖勑怒滋甚時田令孜惡
太祖與河中膠固奏云王重榮北引太原其心可見不
可處之近輔定州王處存忠孝盡心請授以蒲帥移重
榮於定州天子從之重榮憤憤不悅告於太祖曰主上
新返正大臣播弄此際無辜遽被斥逐明公當究其深
心今日使僕安歸會太祖憤怒朱玫輩卽報曰當與公
提鼓出汜水關誅逆賊之後則去此鼠輩如疾風之去
鴻毛耳重榮曰吾地迫邠岐公若東出關二兒必傳吾
城下不若先滅一兇去其君側又實錄楊復恭兄弟
于李克用王重榮有破賊連衡之舊乃奏遣劉崇望齎
詔宣諭兼達復恭之意重榮克用皆聽命按後唐太祖
紀年錄僞使至太原太祖詰其事狀曰皆朱玫所爲將
斬之以徇大將蓋寓等言鑾輿播遷天下皆歸咎於我

今不誅朱玫黜李煜無以自滿洗太祖燔僞詔械其使
馳檄諭諸鎮曰今月二十日得襄王僞詔及朱玫文字
云田令孜脅遷鑾駕播越梁洋行至半途六軍變擾遂
至蒼皇而晏駕不知弒逆者何人永念丕基不可無主
昨四鎮藩后推朕纂承已於正殿受冊畢改元大赦者
李煜出自贅疣名汗藩邸智昏菽麥識昧機權李符擄
之以塞辭朱玫賣之以爲利呂不韋之奇貨可見奸邪
蕭世誠之士襄期于匪夕近者當道經差健步奉表起
居行朝見駐巴梁宿衛比無騷動而朱玫脅其孤駭自
號台衡敢作亂階明言晏駕焚或藩鎮凌弱廟朝云云
又太祖紀年錄七月癸巳澤州刺史張全明年孟方
義棄城而遁太祖以安金俊爲澤州刺史
立死其弟遷立五代史龍紀元年五月遣李罕之李存
數萬來拒戰罕之敗之于琉璃陂生擒馬旣徇于城下
孟方立恚恨飲酖而死三軍立其姪遷爲留後使求援
于汴汴將王虔裕率精甲數大順元年克用擊破孟遷
百入于邢州罕之等班師
取邢洺磁三州乃遣安金俊攻赫連鐸於雲州幽州李

匡威救鐸戰于蔚州金俊大敗通鑑考異實錄四月丙辰朔李克用遣安金俊

帥師攻雲州赫連鐸求援於幽州李匡威匡威出師于赴之戰於蔚州太原府軍大敗燕師執金俊獻於朝

是匡威鐸及朱全忠等皆請因其敗伐之昭宗以克用

破黃巢功高不可伐下其事臺省四品官議議者多言

不可宰相張濬獨以謂沙陀前逼僖宗幸興元罪當誅

可伐軍容使楊復恭克用所善也亦極諫以為不可昭

宗然之詔諭全忠等全忠陰賂濬使持其議益堅昭宗

不得已以濬為太原四面行營兵馬都統韓建為副是

時潞州將馮霸叛降于梁梁遣葛從周入潞州唐以京

兆尹孫揆為昭義軍節度使克用遣李存孝執揆于長

子

五代史大順元年遣李存孝攻邢州孟遷以邢洛磁

太原以安金俊為邢洛團練使三月昭義軍節度使李

克修卒以李克恭為潞州節度使是月武皇攻雲州拔

其東城赫連鐸求援于燕燕帥李匡威將兵三萬以赴

之戰于城下燕軍大敗時徐州時溥為汴軍所攻遣使

來求援武皇命石君和由兗鄆以赴之五月潞州軍亂

殺節度使李克恭州人推牙將安居受為留後南結汴

將時潞之小將馮霸擁叛徒三千騎馳于沁水居受使

人召之馮霸不至居受懼出奔至長子為村胥所殺傳

首于霸霸遂入潞州自為留後武皇遣大將康君立李

存孝等攻之汴將朱崇節葛從周率兵入潞州以固之

是時幽州李匡威雲州赫連鐸與汴帥協謀連上表請

加兵于太原宰相張濬為招討使以京兆尹孫揆為副華州

武皇官爵以張濬為招討使以京兆尹孫揆為副華州

韓建為行營都虞候以汴帥為河東南面招討使幽州

李匡威為河東北面招討使雲州赫連鐸為副汴將朱

友裕將兵屯晉絳時汴軍已據潞州又遣大將李讜等

率軍數萬急攻澤州武皇遣李存孝自潞州將三千騎

以援之汴將鄧季筠以一軍犯陣存孝追擊擒其都將

十數人獲馬千餘匹是夜李讜收軍而退大軍掩擊至
馬牢關斬首萬餘級追襲至懷州而還存孝復引軍攻
潞州八月存孝擒新授昭義節度使孫揆初朝廷授揆
節鉞以本軍取刁黃嶺路赴任存孝偵知之引騎三百
伏于長子縣崖谷間揆建牙持節褒衣大蓋擁衆而行
存孝突出谷口遂擒揆及中使韓歸範并將校五百人
存孝械揆等以組練繫之環于潞州遂獻于武皇武皇
謂揆曰公措紳之士安言徐步可至達官何用如是揆
無以對令繫于晉陽獄武皇將用爲副使使人誘之揆
言不遜遂殺之北夢瑣言唐末朝廷圍太原不克以
宰相張濬爲都統華帥韓建爲副使澤潞孫揆尚書以
本道兵會伐軍容使楊復恭與張相不叶逗撓其師因
而自潰由是貶張相爲絳州牧孫尙書爲太原所執詬
罵元戎李公克用以狗猪代之李公大怒俾以鋸解雖
加苦楚而鋸齒不行入座乃謂曰死狗猪解人須用板
夾然後可得行汝何以知之由是施板而鋸方行未絕
間罵聲不歇何乃壯而不知之由是施板而鋸方行未
近者劉知俊自梁奔秦自秦奔蜀驍暴之聲天下咸聞
焉蜀先主坐其慘酷而誅之受戮日章皇萬端乞命不
暇行刑者嗟而笑之比孫帥何勇怯之不侔也孫揆尙

書少年不慧涕淚狼籍蒙然而已十又遣康君立取潞
五歲適然一變非唯時俊乃烈士也
州五代史九月汴將葛從周棄潞州而遁武皇以康君
立爲潞州節度使以李存孝爲汾州刺史通鑑考
異唐太祖紀年錄六月朱崇節葛從周據潞州李重允
鄧季筠張全義將兵七萬攻澤州李存孝將三千騎赴
援初汴軍攻城門呼李罕之云云李存孝憤其言引鐵
騎五百迫擊入季筠營門生獲其都將十數是夜汴將
李謹收軍而遁存孝罕之追擊至馬牢山斬首萬級追
襲掩擊至於懷州而還存孝復引軍攻潞州九月二日
葛從周率衆棄城而遁唐末見聞錄閏九月昭義軍前
狀申昭義軍人拔滅逃遁收下城池擒獲到餘黨五十
人巾縛送上至二十日行營都指揮使李存孝迴戈歸
府實錄九月甲申朔康君立急攻潞州朱全忠駐河
陽遣李謹引軍趨澤潞至馬牢山川與并師大戰不利
鄧季筠被執復遣朱友裕張全義至澤州北應援葛從
周朱崇節率衆棄潞州歸又實錄大順元年十月太
原將邢州刺史李存孝自晉州帥行營兵行據邢州
十一月濬及克用戰于陰地濬軍三戰三敗濬建遁歸

五代史十月張濬之師入晉州遊軍至汾隰武皇遣薛
鐵山李承嗣將騎三千出陰地關營于洪洞遣李存孝
將兵五千營于趙城華州韓建以壯士三百人冒犯存
孝之營存孝追擊直壓晉州西門張濬之師出戰爲存
孝所敗自是閉壁不出存孝引軍攻絳州十二月晉州
刺史張行恭棄城而奔韓建張濬由含山路遁去通
鑑攷異實錄十一月王師入陰地關至汾隰李克用遣
將薛阿檀李承嗣拒之李存信以兵五千圍趙城韓建
以華州兵戰信設伏擊破之邠鳳師未戰而走禁軍自
潰由是大敗存信直壓晉州西門引軍攻絳州十二月
壬午朔晉州刺史張行恭棄城而遁韓建以諸軍保晉
州李存信追擊戰敗退保絳州張濬以汴卒禁軍屯晉
州存信攻之三日濬建拔晉絳遁還存信收二州太祖
紀年錄十月張濬之師入陰地關發李存孝將兵五千
嗣將騎三千出陰地關發李存孝將兵五千進擊營於
趙城敗韓建直壓晉州西門自是閉壁不出存孝攻絳
州十二月晉州刺史張行恭棄城遁建濬由含山路遁
逃遂收晉絳初濬部禁軍至晉州邠鳳之師望風遁歸
蓋楊復恭陰沮之也唐補紀曰朱全忠自攻破徐州頻
首章表克用與朱玫同立襄王以爲大逆其朱玫以下

並已誅鋤克用時最爲魁首據其罪狀請舉天兵臣率
師關東倚角相應朝廷遂以宰臣張濬爲都統授崔允
爲河中節度使大軍行到同州克用領蕃漢馬步
稱三十萬入河北界其張濬使人探朱全忠兵馬並不
來相應乃於昭義西與太原交戰不利而回朝廷知爲
全忠所賣便差使至克用所與賞給令同貶都統張濬
於雲夢除崔允於嶺外王堂開話張相濬富於權畧
素不知兵昭宗朝親統扈駕六師往討太原遂至失律
陷其副帥侍郎孫揆尋謀班師路由平陽平陽卽蒲之
屬郡也牧守姓張卽蒲帥王珂之大校珂變詐難測復
慮軍旅經過落其詭計濬乃先數程而行泊于平陽之
傳舍六軍相次由陰地關而進濬深忌晉牧復不敢除
之張於一舍郊迎旣駐郵亭濬令張使君升廳茶酒設
食畢復命茶酒不令暫起仍留晚食食訖已晡時又不
令起卽更茶數甌至張燈乃許辭去自旦及暮不交一
言口中咀少物遙觀一如交談之狀珂性多疑動有警
察時偵事者尋已密報之云刺史與相國密話竟夕珂
果疑召張問之曰相國與爾自旦至暮所話何對云並
不交言王殊不信謂其不誠戮之六師乃假途歸京了
無纖慮後判邦計諸道各致統綺之類並不受之乃命

專人面付之曰爾述吾意以此物改充軍行所費之物
鍋幕布槽啖馬藥土產所共之物咸請備之於是諸藩
鎮欣然奉之以至軍行十萬所要無闕皆心匠之所規
畫梁祖忌之潛令刺客殺之於長水莊上南楚新開
唐宰相張濬常與朝士於萬壽寺閱牡丹而飲俄有雨
降抵暮不息羣公飲酣未闌左右伶人皆御前供奉第
一部者恃寵肆狂無所畏憚其間一輩曰張隱忽躍出
揚聲引詞曰位乖變理致傷殘四面牆匡不忍看正是
花時堪下淚相公何必更追歡告訖遂去闔席愕然相
眄失色一時俱散張但慚恨而已孫之翰朱全忠論
昭宗卽位世已亂矣雖尊禮大臣博求賢傑志欲興復
大業號令天下時大臣賢而忠者杜讓能一人而已其
他無不與方鎮相結方鎮何人賊也卒也虜也彼皆麤
暴之性一無忠義之節方相吞噬亦藉大臣爲援大臣
欲固權位自相合爾大臣如孔緯者有一時名望尙與
全忠交通崔昭緯輩艱險之人固與邪岐相結矣內外
將相不忠天下大勢橫流已至於此昭宗欲何施爲乎
加以輕信易動動無謀算何以制服諸鎮諸鎮賊臣也
然賊臣之心亦可恩信待之一時倚賴者莫若太原有
平賊大功爵賞已厚俱爲全忠所圖蓄怨不解若昭宗

以念功之意思禮有加虜性勁直感恩必深旣深則順
必久太原順則河中近輔鎮魏舊帥豈有不順之勢數
鎮旣順使讓能賢相經營於內復引同心之賢者贊助
時政宦官暴橫者去之姦人害政者逐之朝廷漸治國
威或可振矣奈何因全忠請討太原不用讓能之言而
聽張濬孔緯之計輕舉兵帥太原拒命以成跋扈之勢
太原跋扈無可倚賴矣時無倚賴賊臣得以脅制朝廷
讓能知勢不可爲以死許國可謂大忠矣是時諸鎮交
亂車駕不能寧處復留兇逆之人久爲克用兵大掠晉
輔相與巨盜畫篡逆之計乃亾唐祚矣克用兵大掠晉
絳至于河中赤地千里克用上表自訴其辭慢侮天子
爲之引咎優詔答之二年二月復拜克用河東節度使
隴西郡王加檢校太師兼中書令

五代史大順二年春正月武皇上章申理

其畧曰臣今身無官爵名是罪人不敢歸陛下藩方且
欲于河中寄寓進退行止伏候聖裁天子尋就加守中
書令是月魏博爲汴將葛從周所寇節度使羅宏信遣
使來求援武皇出師以赴之三月邢州節度使安知建

叛奔青州天子以知建爲神武統軍自棣州沂河歸朝鄆州朱宣邀斬于河上傳首晉陽以李存孝爲邢州節

度四月攻赫連鐸于雲州圍之百餘日鐸走吐渾五代史四

月武皇大舉兵討赫連鐸于雲州遣騎將薛阿檀率前軍以進攻武皇設伏兵于御河之上大破之因塹守其

城七月武皇進軍亂柳會赫連鐸力屈食盡奔于吐渾部遂歸幽州雲州平武皇表石善友爲大同軍防禦使

八月大蒐于太原出晉絳掠懷孟至于邢州遂攻王鎔

于鎮州克用柵常山西以十餘騎渡滹沱覘敵遇大雨

平地水深數尺鎮人襲之克用匿林中禱其馬曰吾世

有太原者馬不嘶馬偶不嘶以免前軍李存孝取臨城

進攻元氏李匡威救鎔克用還軍邢州五代史邢州節

鎮州王鎔託附汴人謀亂河朔北連燕寇請乘雲代之捷平定燕趙武皇然之八月大蒐于晉陽遂南巡澤潞

畧地懷孟河陽趙克裕望風送款請修鄰好九月蒐于邢州十月李存孝董前軍攻臨城鎮人五萬營于臨城西北龍尾岡武皇令李存審李存賢以步軍攻之鎮人大敗殺獲萬計拔臨城進攻元氏幽州李匡威以步騎五萬營于鄆邑以援鎮州景福元年王鎔攻邢州李存武皇分兵大掠旋軍邢州信李嗣勳等敗鎔于堯山二月會王處存攻鎔戰于新市爲鎔所敗五代史景福元年正月鎮州王鎔恃燕人李存信將兵應援李存孝素與存信不協遞相猜貳留兵不進武皇又遣李嗣勳李存審將兵援之大破燕趙之衆斬首三萬收其軍實三月武皇進軍渡滹沱八月攻樂城下鼓城橐城四月燕軍寇雲代武皇班師八月李匡威攻雲州以牽克用之兵克用潛入于雲州返出擊匡威匡威敗走五代史八月赫連鐸誘幽州李匡威之衆八萬寇天成軍遂攻雲州營于州北連亘數里武皇潛軍入于雲州詰旦出騎軍以擊之斬獲數萬李匡威燒營而遁通鑑考異太祖紀年

錄是月幽帥李匡威會赫連鐸引吐蕃點戛斯之衆十萬寇我北鄙攻遮虜軍太祖御親軍出塞營于渾河川

之田村李存孝引前鋒與賊戰於樂安鎮賊軍大敗遁走十月李存孝以邢州叛五代

史十月邢州李存孝叛納款于梁李存信構之也二年存孝求援于王鎔克用

出兵并陘擊鎔且以書招鎔而急攻其平山鎔懼遂與

克用通和獻帛五十萬匹出兵助攻邢州乾寧元年三

月執存孝殺之五代史景福二年春大舉以伐王鎔以其通好于李存孝也二月攻天長鎮旬

日不下王鎔出師三萬來援武皇逆戰于叱日嶺下鎮

人敗斬首萬餘級時歲饑軍乏食脯屍肉而食之進軍

下并陘李存孝將兵夜入鎮州鎮人乞師于汴汴帥方

攻時溥不暇應之乃求援于幽州李匡威率兵赴之武

皇乃班師七月武皇討李存孝于邢州遂攻平山渡漳

水攻鎮州王鎔懼以帛五十萬犒軍請脩舊好仍以鎮

冀之師助擊存孝許之武皇進圍邢州十二月武皇狩

于近郊獲白兔有角長三寸乾寧元年三月邢州李存

孝出城首罪繫歸太原轅于市邢洺磁三州平武皇表
馬師素爲邢州節度使五月鄆州節度使朱宣爲汴軍
所攻遣使來乞師武皇遣騎將安福順安福應安福遷
督精騎五百假道于魏州以應之九月潞州節度使康
君立以酖死通鑑考異太祖紀年錄先獲汴將鄧筠
安康八軍吏劉藕子潞州所俘供奉官韓歸範皆與存
孝連坐同日誅之冬攻幽州李匡儔弃城走追至景城
騎將薛阿檀自刺

見殺以劉仁恭爲留後

五代史十月武皇自晉陽率師伐幽州初李匡儔奪據兄位燕

人多不義之安塞軍戍將劉仁恭挈族歸于武皇武皇
遇之甚厚仁恭數進盡于蓋寓言幽州可取之狀願得
兵一萬指期平定武皇討李存孝于邢州輟兵數千欲
納仁恭不利而還李匡儔由是驕怠數犯邊境武皇怒
故率軍以討之是時雲州吐浑赫連鐸白義成並來歸
命皆笞而釋之十一月進攻武州甲寅攻新州十二月
李匡儔命大將率步騎六萬救新州武皇選精甲逆戰
燕軍大敗斬首萬餘級生獲將領百餘人曳練徇于新
州城下是夜新州降辛亥進攻媯州王子燕兵復合于
居庸關拒戰武皇命精騎以疲之令部將李存審由他

道擊之自午至晡燕軍復敗甲寅李匡儔攜其族棄城而遁將之滄州隨行輜重滅獲妓妾甚衆滄帥盧彥威利其貨以兵攻匡儔于景城殺之盡擄其衆丙辰進軍幽州其守城大將請降武皇令李存審與劉仁恭入城撫勞居人如故市不改二年五代史乾寧二年正月武皇在幽州命李存審劉仁恭徇諸屬郡二月以仁恭爲權幽州留後從燕人之請也留腹心燕留德等十餘人分典軍政武皇遂班師凡駐幽州河中王重榮卒其諸子珂珙爭立克用請立珂四十日鳳翔李茂貞邠寧王行瑜華州韓建請立珙昭宗初兩難之乃以宰相崔胤爲河中節度使旣而許克用立珂茂貞等怒三鎮兵犯京師聞克用亦起兵乃皆罷去六月克用攻絳州斬刺史王瑤瑤珙弟助珙以爭者七月至于河中同州王行約奔于京師陽言曰沙陀十萬至

矣謀奉天子幸邠州茂貞假子閻圭亦謀劫幸鳳翔京

師大亂昭宗出居于石門克用軍留月餘不進昭宗遣

延王戒丕丹王允兄事克用且告急五代史六月武皇

陽趨三輔討鳳翔李茂貞邠州王行瑜華州韓建之亂

先是三帥稱兵向闕同弱王室殺害宰輔時河中節度

使王重盈卒重盈之子珂卽武皇之子壻也權典軍政

其兄珙爲陝州節度使珙爲絳州刺史與珂爭河中遂

訴于岐邠華三鎮言珂本蒼頭不當襲位珂亦訴于武

皇武皇上表保薦珂乞授河中旄鉞詔可之三帥遂以

兵入覲大掠京師請授王珂同州節度使王珂河中節

度使天子亦許之武皇遂舉兵表三帥之罪復移檄三

鎮三鎮大懼是月次絳州刺史王珂登陴拒命武皇攻

之旬日而拔斬王珂于軍門誅其黨千餘人七月次河

中王珂迎謁于路已未同州節度使王行約棄城奔京

師與左軍兵士劫掠西市都民大擾行約卽行瑜弟也

庚申樞密使駱全瓘以武皇之軍將至請天子幸右軍

指揮使李繼鵬茂貞假子也本姓閻名珪與全瓘謀劫

天子幸鳳翔左軍指揮使王行實亦行瑜之弟也與劉景宣欲劫天子幸邠州兩軍相攻縱火燒內門烟火蔽天天子急詔鹽州六都兵士令追殺亂兵左右軍退走王行瑜李茂貞聲言自來迎駕天子懼出幸南山駐蹕于莎城是夜熒惑犯心王戌武皇進收同州問天子幸石門遣判官王懷奉表奔問天子遣使賜詔令與王珂同討邠鳳時武皇方攻華州俄聞李茂貞領兵士三萬至盤屋王行瑜領兵至興平欲往石門迎駕乃解華州之圍進營渭橋天子使延王戒丕丹王允齋詔促武皇兵直抵邠鳳北夢瑱言唐乾寧中鳳翔李茂貞華州韓建邠州王行瑜擁兵脅君誅戮宰輔焚燒宮闕劫帝西幸鳳翔昭宗出居石門莎城太原克用領蕃漢馬步入京三鎮大懼是年破邠州斬王行瑜昭宗嘉獎倚賴命延王丕丹王允齋詔賜李公衣服兼令二親王設拜以兄事之近古未有也仍封晉王以寵之延王才識過人聰悟辯慧在晉陽留宴累月每獻酬樂作必爲晉王起舞後爲韓建所殺通鑑考異唐太祖紀年錄王師攻華州俄而郤廷昱至且言茂貞領兵三萬至盤屋行瑜領軍至興平欲往石門八月克用進軍渭橋以爲邠迎駕乃解華圍進營渭橋

寧四面行營都統昭宗還京師

五代史八月乙酉供奉官張承業齎詔告諭涇

帥張鑑已領步騎三萬于京西北阬邠岐之路武皇進營渭北遣史儼將三千騎往石門扈駕遣李存信李存審會鄭延之兵攻行瑜之梨園寨天子削奪行瑜官爵以武皇為天下兵馬都招討使以鄜州李思孝為北面招討使以涇州張鑑為西南面招討使天子又遣延王丹王賜武皇御衣及大將茶酒弓矢命二王兄事武皇延王傳天子密旨云一昨非卿至此已為賊庭行酒之人矣所慮者二凶締合卒難剪除且欲姑息茂貞令與卿修好俟梟斬行瑜更與卿商量武皇上表請駕還京令李存節領二千騎于京西北以防邠賊奔突辛亥天子還宮加武皇守太師中書令邠寧四面行營都統時王行瑜弟兄固守梨園寨我師攻之甚急李茂貞遣兵萬餘來援行瑜營于龍泉鎮茂貞自率兵三萬迫咸陽武皇奏請詔茂貞罷兵兼請削奪茂貞官爵詔曰茂貞勒兵蓋備非常尋已發遣歸鎮又言茂貞已誅李繼鵬李繼畧卿可切戒兵甲無犯土疆武皇請賜河中王珂旌節三表許之又表李罕之為副都統十月丙戌李存信于梨園寨北遇賊軍斬首千餘級自是賊閉壁不出

戊子天子賜武皇內弟子四人又降朱書御札賜魏國夫人陳氏是月王行瑜因敗衄之後閉壁自固武皇令李罕之晝夜急攻賊軍乏食拔營而去李存信與罕之等先伏軍于阬路俟賊軍之至縱兵擊之殺戮萬計是日收梨園等三寨生擒行瑜之子知進並母邱氏大將李元福等二百人送赴闕廷庚寅王行約王行實燒劫寧州遁走寧州守將徐景乞降武皇表蘇文建為邠州節度使且于寧州為治所通鑑考異莊宗列傳三鎮亂長安李存信從太祖入關以前軍先自夏陽渡河攻同華屬邑下之時太祖在渭北伶官羣小或勸太祖入朝自握兵柄太祖亦以全忠圖已朝廷不能斷心微有望月餘不進軍存信與蓋寓乘間密啟曰大王家世効忠此行討逆止為外鳳不臣但令臣節為天下所知即三賊不足平也而悠悠之徒不達大體或以弗詢之畫苟合台情雖俳優之言不宜縱其如此京師咫尺天聽非遙實無益於英德也今三凶正蹙須速圖之事留變生無宜猶豫太祖曰公言是也即日出師下梨園砦十一月克用擊破邠州王行瑜走至慶州見殺五代史十一月丁巳收龍泉寨時行瑜以精甲五千守之李茂貞出兵來

援爲李罕之所敗，邪賊遂棄龍泉寨而去。行瑜復入邠州，大軍進逼其城。行瑜登城號哭曰：「行瑜無罪，昨殺南
北司大臣，是岐帥將兵脅制主上，請治岐州。」行瑜束身歸朝，武皇報曰：「王尙父何恭之甚耶？」僕受命討三賊，臣公其一也。如能束身歸闕，老夫未敢專命爲公奏取進止。行瑜懼，棄城而遁。武皇收其城，封府庫，遽以提聞。旣而慶州奏王行瑜將家屬五百人到州界，爲部下所殺，傳首闕下。唐撫言：「李沼者，封川相，猶子也。其妻乃董常侍禹之女也。大順中，邠州節度使尙父王行瑜外族董氏以舅事於禹，沼樂遊行。瑜之門行瑜呼沼，李郎會與計偕。僕馬生生之具，皆行瑜所致。沼由是大恚，未幾按甲來覲，諷天子誅大臣，搢紳間重足一跡。沼出入行瑜之門，頗有得色。及行，克用還軍雲陽，請擊茂貞。昭宗瑜敗，捕沼，沼亡命秦隴。」
克用還軍雲陽，請擊茂貞。昭宗慰勞克用，使與茂貞解仇，以紓難。拜克用忠正平難功臣，封晉王。

五代史：武皇旣平行瑜還軍渭北，十二月武皇營于雲陽，候討鳳翔進止。乙未，天子賜武

皇爲忠正平難功臣，進封晉王，加實封二百戶。武皇復上表請討李茂貞。天子不允。武皇私謂詔使曰：「觀主上

意疑僕別有他腸復何言哉但禍不去胎憂患未已又
奏臣統領大軍不敢徑赴朝覲遂班師文苑英華冊
太原節度使守太師兼中書令晉王制維年月日皇帝
若曰我國家作法於仁達情以禮振典謨而誕告載名
器以公行何嘗不動懷多難豐報丕烈矧乃圖先廟社
允集王功誠動日星必承天祐王功建而臣節盡天祐
至而君命宜昔經武爲師賜履荷宗周之寵今在邦稱
傑制符受全楚之封英偉相侔古今同典當勲而舉非
我有私具官某博厚自持堅剛不惑抱公能察守貴必
恭騫然飛將之風增彼懦夫之氣而先臣奇備間代雄
才圯上視書太公來受雲中饗士李牧復生出鞏洛以
行師轉淮沂而殄寇倬哉茂績興在後昆爾乃開國象
賢勤王繼志諒因心而無改敬遺體以有爲英飭旣臨
文茵是藉率乎羣后自絕他時控彼諸戎下連右臂日
者驅除大盜爰復神州焜耀元功載書盟府以啟紹開
之慶是資戡定之勞而復念先朝薦罹否運朱攷則罪
極邊伯李煜則親非子顏肆其樹置之謀黷我繼承之
統是以奮飛長檄條列本支道濟惡之亂流披崇姦之
僭黨夷兇有力賀福無違近則王行瑜驕以叛恩顧將
敗族爾乃先知塗地每恥同天顧刑憲之可加抗封章

而不避潛思歆血憤欲廢皮而逆豎犯闕興兵朕方奔
車出次始懷愧懼未暇翦除行瑜轉禍終迷于誅罔畏
螯手而不能自斷噬臍而誰復與論爾聞難成憂而躬
決策衝冠激怒折箠興言冀行已勵於五申急召寧煩
於二節武剛夙駕屈產跳驅存誠而有禮則安舉事而
不疑何卜乃聲鐘鼓乃合諸侯留屯雖在於郊圻宿飽
匪勞於漕輓爾臨渭曲深溝而親扞寇讐我復鎬京高
枕而無虞侵軼然後進攻外壘盡復強軍支翦喉春如
麻滿野或反袂以來獻俾噍類之不遺元惡出奔勢窮
就戮廓清而罷約束尙嚴受降兼讓於使臣擇帥請行
於國命一如紀律以報會盟天贊孔昭主憂盡釋始未
見若之面今盡見若之心神聽斯言衆圖是賞盡雲臺
而莫顯篆樂石而非多師氏建官位推極致春秋列國
晉實大名典重而近古不行動重而予衷何愛廣延備
物且授詞臣法座臨軒式光禮命今遣中書舍人薛廷
珪冊爾爲太師兼中書令仍進封晉王於戲獨立王功
忠乃善藏之府永膺天祐敬惟能保之軀則是時晉軍
必慶於而家樂於而土戒之勿忘與國無窮是時晉軍
渭北北夢瑣言唐宰相鄭絳雖有詩名本無廊廟之望
時王綱旣紊四方多故才旣無取言必依違太原

兵至渭北天子震恐渴求破賊術奏請於文宣王諡號中加一哲字率此類也同列以其忝竊每譏侮之

遇雨六十日或勸克用入朝克用未決都押衙蓋寓

五代

史蓋寓蔚州人祖祚父慶世爲州之牙將武皇起雲中寓與康君立等推轂佐佑之因爲腹心武皇節制雁門署職爲都押衙領嵐州刺史洎移鎮太原改左都押衙檢校左僕射武皇與之決事言無不從凡出征伐靡不衛從乾寧二年從入關討王行瑜特授檢校太保開國侯食邑一千戶領容管觀察經畧使光化初車駕還京授檢校太傅封成陽郡公寓性通點多智數善揣人主情武皇性嚴急左右難事無委遇者小有違忤卽置于法惟寓承顏希旨規其趨向婉辭順意以盡參禪武皇或暴怒將吏事將不測寓欲救止必佯佐其怒以責之武皇怡然釋之有所諫諍必徵近事以爲喻自武皇鎮撫太原最推親信中外將吏無不景附朝廷藩鄰信使結託先及武皇次入寓門旣總軍中大柄其名震主梁祖亦使姦人離間暴揚于天下言蓋寓已代李閏者寒心武皇畧無疑間初武皇旣平王行瑜還師渭北暴雨六十日諸將或請入覲且云天顏咫尺安得不行覲禮

武皇意未決寓白曰車駕自石門還京寢未安席比爲
行瑜兄弟驚駭乘輿今京師未寧姦宄流議大王移兵
渡渭必恐復動宸情君臣始終不必朝覲但歸藩守姑
務勤王是忠臣之道也武皇笑曰蓋寓尙阻吾入覲況
天下人哉卽日班師二年三月寓病篤武皇曰幸其第
手賜藥餌初寓家每事珍膳窮極海陸精于府饌武皇
非寓家所獻不食每幸寓第其往如歸恩寵之洽時無
與比及其卒也哭之彌慟莊宗卽位追贈太師文苑
英華授寧遠軍節度使蓋寓左武衛上將軍制敕環衛
之設貴同命卿有以大將軍之名加其秩者賞典彌重
具官蓋寓凡天下統帥將佐勤勞每至賞勲鮮當仗鉞
吾以克用事君有偉節匡國有大功而寓預謀必忠推
誠必順致我藩后光于冊書是以特越舊章授之師律
頗能謙讓復願改張得不表以寵休陟居戎列仍遂再
三之請俾圖始卒之心曰天子還自石門寢未安席若
直舉訓辭是謂嘉善

晉兵渡渭人情豈復能安勤王而已何必朝哉克用笑
曰蓋寓猶不信我況天下乎乃收軍而還三年正月昭

宗復以張濬爲相克用曰此朱全忠之謀也乃上表曰
若陛下朝以濬爲相則臣將暮至闕廷京師大恐濬命
遽止朱全忠之攻兗鄆也克用遣李存信假道魏州以
救朱宣等存信屯于莘縣軍士侵掠魏境羅宏信伏兵
攻之存信敗走洺州克用自將擊魏戰于洺水亡其子
落落六月破魏成安洹水臨漳等十餘邑

五代史乾寧三年正月

人大舉以攻兗鄆朱宣朱瑾再召師于武皇假道于魏
州羅宏信許之乃令都指揮使李存信將步騎三萬與
李承嗣史儼會軍以拒汴人存信軍于莘與朱瑾合勢
頻挫汴軍汴帥惠之乃間魏人存信御兵無法稍侵魏
之芻牧者宏信乃與汴帥通出師三萬攻存信軍存信
揭營而退保于洺州三月武皇大掠相魏諸邑攻李固
洹水殺魏兵萬餘人進攻魏州五月汴將葛從周氏叔
琮引兵赴援六月李茂貞舉兵犯京師七月車駕幸華

州是月武皇與汴軍戰于洹水之上鐵林指揮使落落被擒落落武皇之長子也既戰馬蹏于坎武皇馳騎以救之其馬亦蹏汴之追兵將及武皇背射一發而斃乃退十月又敗魏人于白龍潭

進攻觀音門全忠救至乃解

五代史九月李存信攻魏之臨清汴將葛從周等引

軍來援大敗于宗城北存信進攻魏州十月武皇敗魏軍于白龍潭追擊至觀音門汴軍救至乃退十一月武皇徵兵于幽鎮定三州將迎駕于華下幽州劉仁恭託以契丹入寇俟敵退聽命四年劉仁恭

叛晉克用以兵五萬擊仁恭戰于安塞克用大敗

五代史乾

寧四年正月汴軍陷兗鄆騎將李承嗣史儼與朱瑾同奔于淮南三月陝帥王珙攻河中王珂來告難武皇遣李嗣昭率二千騎赴之破陝軍于猗氏乃解河中之圍至是天子遣延王戒丕至晉陽傳宣旨于武皇朕不取卿言以及于此苟非英賢竭力朕何由再謁廟庭在卿表率予所望也七月武皇復徵兵于幽州劉仁恭辭旨不遜武皇以書讓之仁恭捧書謾罵抵之于地仍囚武皇之行人八月大舉以伐仁恭九月師次蔚州戊寅晨

三才圖會卷之五 兵部

霧晦暝占者云不利深入幸已攻安塞俄報燕將單可
及領騎軍至矣武皇方置酒高會前鋒又報賊至矣武
皇曰仁恭何在曰但見可及輩武皇張目怒曰可及輩
何足爲敵仍促令出師燕軍已擊武皇軍寨武皇乘醉
擊賊燕軍披靡時步兵望賊而退爲燕軍所乘大敗于
木瓜澗俄而大風雨震電燕軍解去武皇方醒甲午師
次代州劉仁恭遣使謝罪于武皇武
皇亦以書報之自此有檄十餘返
光化元年五代史
年春正月鳳翔李茂貞華州韓建皆致書于武皇乞
脩和好同獎王室兼乞助丁匠脩繕秦宮武皇許之
全忠遣葛從周攻下邢洛磁三州克用遣周德威出青
山口遇從周于張公橋德威大敗五代史四月汴將葛
旬日之內三州連陷汴人以葛從周爲邢州節度使大
將李存信收軍自馬嶺而旋八月壬戌天子自華還宮
是時車駕初復而欲諸侯輟睦賜武皇詔令與汴帥通
好武皇不欲先下汴帥乃致書于鎮州王鎔令導其意
明年汴帥遣使奉書幣來修好武皇亦報之自是使車
交馳朝野相賀九月武皇遣周德威李嗣昭率兵三萬

出青山口以迫邢洛十月遇汴將葛從周于張公橋旣
戰我軍大敗是月河中王珂來告急言王珙引汴軍來
寇武皇遣李嗣昭將兵三千以援之屯于冬潞州守將
胡壁堡汴軍萬餘人來拒戰嗣昭擊退之
薛志勤卒五代史十二月潞州節度使薛志勤卒又
薛志勤薛志勤蔚州奉誠人小字鐵山初爲獻祖帳
中親信乾符中與康君立共推武皇定雲州以功授右
牙都校從入達靼武皇授節節門志勤領代北軍使從
入關收京城以功授檢校工部尚書河東右都押牙先
鋒右軍使從武皇救陳許平黃巢武皇遇難于上源驛
汴將楊彥洪連車樹柵遮絕巷陌時騎從皆醉宴席旣
闌汴軍四面攻傳舍志勤彪勇冠絕復酒膽激壯因獨
登驛樓大呼曰朱僕射負恩無行邀我司空圖之吾三
百人足以濟事因彎弧發射矢無虛發汴人斃者數十
志勤私謂武皇曰事急矣如至五鼓吾屬無遺類矣可
速行因扶武皇而去雷雨暴猛汴人扼橋志勤以其屬
血戰擊敗之得侍武皇還營由是恩顧益厚大順初張
濬以天子之師來侵太原十月大軍入陰地志勤與李
承嗣率騎三千抗之敗韓建之軍于蒙坑進收晉絳以
功授忻州刺史二年從討鎮州收天長臨城志勤皆先

登陷陣勇敢無前王暉據雲州叛計平之以志勤爲大
同軍防禦使檢校司空乾寧初代康君立爲昭義節度
使光化元年十二月以李罕之據潞州叛附于朱全忠
疾卒于潞時年六十二
五代史澤州刺史李罕之以本軍夜入潞州據城以叛
罕之報武皇曰薛鐵山新死潞民無主慮軍城有變輒
專命鎮撫武皇令人讓之罕之乃歸于汴武皇遣
李嗣昭將兵討之下澤州收罕之家屬拘送晉陽二年
全忠遣氏叔琮攻破承天軍又破遼州至于榆次周德
威敗之于洞渦秋李嗣昭復取澤潞五代史光化二年春正月李罕之陷
沁州三月汴將葛從周氏叔琮自土門陷承天軍又陷
遼州進軍榆次武皇令周德威擊之敗汴軍于洞渦驛
叔琮棄營而遁德威追擊出石會關殺千餘人汴人復
陷澤州五月武皇令都指揮使李君慶將兵收澤潞爲
汴軍所敗而還以李嗣昭爲都指揮使進攻潞州八月
嗣昭營于潞州城下前鋒下澤州時汴將賀德倫張歸
厚等守潞州是月德倫等棄城而遁潞州平
三年嗣昭
九月武皇表汾州刺史孟遷爲潞州節度使

敗汴軍于沙河復取洺州朱全忠自將圍之嗣昭走至

青山口遇汴伏兵嗣昭大敗五代史光化三年汴軍大寇河朔幽州劉仁恭乞師

武皇遣周德威帥五千騎以援之七月李嗣昭攻堯山至內邱敗汴軍于沙河進攻洺州下之九月汴帥自將

兵三萬圍洺州嗣昭棄城而歸葛從周設伏于青山口嗣昭之軍不利通鑑考異唐太祖紀年錄七月嗣昭

攻堯山至內邱遇汴軍三千戰敗之擒其將李瓌唐末見聞錄八月二十五日嗣昭領馬步五萬取馬嶺進軍

下山東某日山東告捷收得洺州九月二日嗣昭兵士失利却回又唐末見聞錄八月二十五日嗣昭進軍

下山東某日山東告捷收得洺州捉得刺史朱溫姪男唐太祖紀年錄葛從周攻洺州嗣昭棄城而歸是役也

王郃郎楊師悅陷賊洺州復為汴有唐末見聞錄九月二日嗣昭兵士失利却回被汴州捉得王郃郎清異

錄晉王嘗窮追汴帥糧運不繼蒸秋嗣昭取懷州是歲粟以食軍中遂呼粟為河東飯

汴人攻鎮定鎮定皆絕晉以附于朱全忠五代史十月汴人乘勝寇

鎮定鎮定懼皆納賂于汴是時周德威與燕軍劉守光敗汴人二萬于望都聞定州王郜來奔乃班師是月天子加武皇實封一百戶遣李嗣昭率步騎三萬攻懷州下之進攻河陽汴將閻寶率兵來援嗣昭退保懷州

天復元年全忠封梁王梁攻下晉絳河中執王珂以歸

五代史天復元年正月汴將張存敬攻陷晉絳二州以兵二萬屯絳州以扼援路二月張存敬迫河中王珂告急于武皇使者相望于路珂妻郃國夫人武皇愛女也亦以書至懇切求援武皇報曰賊阻道路衆寡不敵救爾卽與爾兩亡可與王郃棄城歸朝珂遂送款于張存敬三月汴帥自大梁至河中王珂遂出迎尋徙于汴

晉失三與國乃下意爲書幣聘梁以求和梁王以爲晉弱可取乃曰晉雖請盟而書辭慢因大舉擊晉四月氏叔琮入天井張文敬入新口葛從周入土門王處直入飛狐侯言入陰地叔琮取澤潞其別將白奉國破承天

軍遼州守將張鄂汾州守將李瑋皆迎梁軍降晉人大

懼會天大雨霖梁兵多疾皆解去

五代史天子以汴帥兼鎮河中武皇自是

不復能援京師霸業由是中否四月汴將氏叔琮率兵
五萬自大行路寇澤潞魏博大將張文恭領軍自新口
入葛從周領兗鄆之衆自土門入張歸厚以邢洛之衆
自馬嶺入定州王處直之衆自飛狐入侯言以晉絳之衆
兵自陰地入氏叔琮廉懷英營于澤州之昂車武皇令
李嗣昭將三千騎赴澤州援李存璋而歸賀德倫氏叔
琮軍至潞州孟遷開門迎沁州刺史蔡訓亦以城降于
汴氏叔琮悉其衆趨石會關是時偏將李審建先統兵
三千在潞州亦與孟遷降于汴及叔琮之入寇也審建
爲其鄉導汴人營于洞渦別將白奉國與鎮州大將石
公立自井陘入陷承天軍及攻壽陽遼州刺史張鄂以
城降于汴都人大恐時霖雨積旬汴軍屯聚既衆芻糧
不給復多痢瘧師人多死時大將李嗣昭李嗣源每夜
率驍騎突營掩殺敵衆恐懼通鑑攻異唐太祖紀年
錄嗣昭與今上日夜入賊五月五代史五月汴軍皆退
營斬將奉旗賊多驚擾氏叔琮軍出石會周德

威李嗣昭以精騎五千
千驛之殺戮萬計
晉復取汾州誅李瑋
五代史初汴

也汾州刺史李瑋據城叛以連汴人至是武皇合李嗣
源李存審將兵討之是歲并汾饑粟暴貴人多附瑋為

亂嗣昭悉力攻城三日而拔擒李瑋等斬于晉陽市氏
叔琮既旋軍過潞州擄孟遷以歸汴帥以丁會為潞州

節度六月周德威李嗣昭取慈隰
昭五代史六月遣李嗣

地攻慈隰二郡隰州刺史唐禮慈州刺史張瓌並以城
來降武皇以汴寇方盛難以兵伏佯降心以緩其謀乃

遣牙將張特持幣馬書檄以諭之陳當時利害請復舊
好十一月壬子汴帥營于渭濱甲寅天子出幸鳳翔武

皇遣李嗣昭率兵三千自沁州趨平
陽遇汴軍于晉州北斬首五百級
二年進攻晉絳大

敗于蒲縣梁軍乘勝破汾慈隰三州遂圍太原克用大

懼謀出奔雲州又欲奔匈奴未決而梁軍大疫解去周

德威復取汾慈隰三州
五代史天復二年二月李嗣昭
周德威領大軍自慈隰進攻晉

絳營于蒲縣乙未汴將朱友寧氏叔琮將兵十萬營于
蒲縣之南乙巳汴帥自領軍至晉州德威之軍大恐三
月丁巳有虹貫德威之營戊午氏叔琮率軍來戰德威
逆擊爲汴人所敗兵仗輜車委棄殆盡朱友寧長驅至
汾州慈隰二州復爲汴人所據辛酉汴軍營于晉陽之
西北攻城西門周德威李嗣昭緣山保其餘衆而旋武
皇驅丁壯登陴拒守汴軍攻城日急武皇召李嗣昭周
德威等謀將出奔雲州嗣昭以爲不可李存信堅請且
入北蕃續圖進取嗣昭等固爭之太妃劉氏亦極言于
內乃止居數日亾散之士復集軍城稍安李嗣昭與李
嗣源夜入汴軍斬將奪旗敵人捍禦不暇自相驚擾丁
卯朱友寧燒營而遁周德威追至白壁開俘斬萬計因
收復慈隰汾等三州天復三年正月天子自鳳翔歸京
五月雲州都將王敬暉殺刺史劉再立以城歸于劉仁
恭武皇遣李嗣昭討之仁恭遣將以兵五萬來援雲州
嗣昭退保樂安燕人攜敬暉棄城而去武皇怒咎嗣昭
及李存審而削其官是時親軍萬衆皆邊部人動違紀
律人甚苦之左右或以爲言武皇曰此輩膽畧過人數
十年從吾征伐比年以來國藏空竭諸軍之家賣馬自
給今四方諸侯皆懸重賞以募勇士吾若束之以法急

則棄吾吾安能獨保此乎俟
時開運泰吾固自能處置矣
四年梁遷唐都于洛陽改

元曰天祐克用以謂劫天子以遷都者梁也天祐非唐

號不敢稱乃仍稱天復

五代史天祐元年閏四月汴帥迫天子遷都于洛陽五月乙丑

天子制授武皇協盟同力功臣加食邑三千戶實封三

百戶八月汴帥遣朱友恭弒昭宗于洛陽宮輝王卽位

告哀使至晉陽武皇

南向慟哭三軍縞素五年會契丹阿保機于雲中約爲

兄弟

五代史天祐二年春契丹安巴堅始盛武皇召之安巴堅領其部族凡三十萬人至雲州與武皇會于雲州之東握手甚歡結爲兄弟旬日而去

留馬千匹牛羊萬計期以冬初大舉渡河
六年梁攻

燕滄州燕王劉仁恭來乞師克用恨仁恭反覆欲不許

其子存勗諫曰此吾復振之時也今天下之勢歸梁者
十七八彊如趙魏中山莫不聽命是自河以北無爲梁

患者其所憚者惟我與仁恭耳若燕晉合勢非梁之福也夫爲天下者不顧小怨且彼常困我而我急其難可因以德而懷之是謂一舉而兩得此不可失之機也克用以爲然乃爲燕出兵攻破潞州梁圍乃解去以李嗣昭爲潞州留後五代史史天祐三年正月魏博旣殺牙軍魏將史仁遇據高唐以叛遣人乞師于武皇武皇遣李嗣昭率三千騎攻邢州以應之遇汴將牛存節張筠于青山口嗣昭不利而還九月汴帥親率兵攻滄州幽州劉仁恭遣使來乞師武皇乃徵兵于仁恭將攻潞州以解滄州之圍仁恭遣掌書記馬郁都指揮使李溥等將兵三萬會于晉陽武皇遣周德威李嗣昭合燕軍以攻澤潞十二月潞州節度使丁會開門迎降命李嗣昭爲潞州節度使以丁會歸于晉陽七年梁兵十萬攻潞州圍以夾城遣周德威救潞州軍于亂柳冬克用疾是歲梁滅唐

克用復稱天祐四年五年正月辛卯克用卒年五十三

子存勗立葬克用于鴈門

五代史天祐四年正月甲申汴帥聞潞州失守自滄州燒

營而遁四月天子禪位于汴帥秦天子爲濟陰王改元爲開平國號大梁是歲四川王建遣使至勸武皇各王一方俟破賊之後訪唐朝宗室以嗣帝位然後各歸藩守武皇不從以書報之曰竊念本朝屯否巨逆淪胥攀鼎駕以長違撫形弓而自咎默默終古悠悠彼蒼生此厲階永爲痛毒視橫流而莫救徒誓檝以興言別捧函題過垂獎諭省覽周旣駭惕異常淚下沾衿倍鬱申胥之素汗流浹背如聞蔣濟之言僕經事兩朝受恩三代位叨將相籍係宗枝賜鈇鉞以專征徵苞茅而問罪虜兵校戰二十餘年竟未能斬新莽之頭顱斷蚩尤之肩髀以至廟朝顛覆豺虎縱橫且授任分憂叨榮冒寵龜玉毀積誰之咎歟俯閣指陳不勝慚慙然則君臣無常位陵谷有變遷或箠塞長河泥封函谷時移事改理有萬殊卽如周末虎爭魏初鼎據孫權父子不顯授于漢思劉備君臣自微興于涿郡得之不謝于家世失之無損于功名適當逐鹿之秋何惜華蟲之服惟僕累朝席

寵奕世輸忠忝佩訓辭麤存家法善博奕者惟先守道
治溪田者不可奪牛誓于此生靡敢失節仰憑廟勝早
殄寇讐如其事與願違則共滅洪游于地下亦無恨矣
惟公社稷元勳嵩衡降祉鎮九州之上地負一代之宏
才合于此時自求多福所承良託非僕深心天下其謂
我何有國非吾節也悽悽孤懇此不盡陳五月梁祖遣
其將康懷英率兵十萬圍潞州懷英驅率士衆築壘環
城城中音信斷絕武皇遣周德威將兵赴援德威軍于
余吾率先鋒挑戰日有俘獲懷英不敢卽戰梁祖以懷
英無功乃以李思安代之思安引軍將營于潞城周德
威以五千騎搏之梁軍大敗斬首千餘級思安退保堅
壁別築外壘謂之夾寨以抗我之援軍梁祖調發山東
之民以供饋運德威日以輕騎掩之運路艱阻衆心益
恐李思安乃自東南山口築夾道連接夾寨以通饋運
自是梁軍堅保夾寨冬十月武皇有疾是時晉陽城無
故自壞占者惡之天祐五年正月戊子朔武皇疾革辛
卯崩于晉陽年五十三遣令薄葬發喪後二十七日
除服莊宗卽位追諡武皇帝廟號太祖陵在鴈門

嗚呼世久而失其傳者多矣豈獨史官之謬哉李氏之

先蓋出于西突厥本號朱邪至其後世別自號曰沙陀而以朱邪爲姓拔野古爲始祖其自序云沙陀者北庭之磧也當唐太宗時破西突厥諸部分同羅僕骨之人于此磧置沙陀府而以其始祖拔野古爲都督其傳子孫數世皆爲沙陀都督故其後世因自號沙陀然予考于傳記其說皆非也夷狄無姓氏朱邪部族之號耳拔野古與朱邪同時人非其始祖而唐太宗時未嘗有沙陀府也唐太宗破西突厥分其諸部置十三州以同羅爲龜林都督府僕骨爲金微都督府拔野古爲幽林都督府未嘗有沙陀府也當是時西突厥有鐵勒薛延陀

阿史那之類爲最大其別部有同羅僕骨拔野古等以十數蓋其小者也又有處月處密諸部又其小者也朱邪者處月別部之號耳太宗二十二年已降拔野古其明年阿史那賀魯叛至高宗永徽二年處月朱邪孤注從賀魯戰于牢山爲契苾何力所敗遂沒不見後百五六十年當憲宗時有朱邪盡忠及子執宜見于中國而自號沙陀以朱邪爲姓矣蓋沙陀者大磧也在金莎山之陽蒲類海之東自處月以來居此磧號沙陀突厥而夷狄無文字傳記朱邪又微不足錄故其後世自失其傳至盡忠孫始賜姓李氏李氏後大而夷狄之人遂以

沙陀爲貴種云

五代史史臣曰武皇肇跡陰山赴難唐

受封奄有汾晉可謂有功矣然雖茂勤王之績而非無
震主之威及朱旗屯渭曲之師俾翠輦有石門之幸比
夫桓文之輔周室無乃有所愧乎洎失援于蒲絳久垂
翅于并汾若非嗣子之英才豈有興王之茂業矧累功
積德未比于周文創業開基尙
虧于魏祖追謚爲武斯亦幸焉

五代史記卷第四